

T 7980/4443 (9)

淋 疝

OCT 10 1952

卷之十四

腹痛

腹痛氣逆

腋腫

腋臭

諸疝

狐疝

產小腹痛

閉癃遺溺

小便不通

淋

胎前產後淋

閉

小便數

小便黃赤

遺溺

產遺尿

前陰諸疾

陰縮陰挺

陰痿陰汗陰痒陰臭

陰冷陰腫陰痛陰吹

筋

轉筋

霍亂轉筋

醫經綱目卷之十四

肝部

肝氣逆 肝痛氣逆

附肝部

肝部

肝部 肝氣逆 肝痛氣逆 肝部 肝氣逆 肝痛氣逆 肝部 肝氣逆 肝痛氣逆

肝部 肝氣逆 肝痛氣逆 肝部 肝氣逆 肝痛氣逆 肝部 肝氣逆 肝痛氣逆

肝部 肝氣逆 肝痛氣逆 肝部 肝氣逆 肝痛氣逆 肝部 肝氣逆 肝痛氣逆

肝部 肝氣逆 肝痛氣逆 肝部 肝氣逆 肝痛氣逆 肝部 肝氣逆 肝痛氣逆

肝部 肝氣逆 肝痛氣逆 肝部 肝氣逆 肝痛氣逆 肝部 肝氣逆 肝痛氣逆

肝部 肝氣逆 肝痛氣逆 肝部 肝氣逆 肝痛氣逆 肝部 肝氣逆 肝痛氣逆

肝部 肝氣逆 肝痛氣逆 肝部 肝氣逆 肝痛氣逆 肝部 肝氣逆 肝痛氣逆

肝部 肝氣逆 肝痛氣逆 肝部 肝氣逆 肝痛氣逆 肝部 肝氣逆 肝痛氣逆

肝部 肝氣逆 肝痛氣逆 肝部 肝氣逆 肝痛氣逆 肝部 肝氣逆 肝痛氣逆

醫學綱目卷之十四

肝膽部

脇痛

脇痛氣逆

附腋腫

哈佛大學
哈佛藥宗
圖書
珍藏
印

肝實則
脇痛善
怒中熱

丹肝木氣實肝火盛而脇痛者當歸龍薈丸為瀉肝火要藥 脇痛甚者用生姜自然汁吞下龍薈丸以肝火盛也

龍薈丸方見治
法門肝實條

經云肝氣實則怒又云肝痛者兩脇下痛引少腹善怒龍薈丸治肝實脇痛其人氣收者善怒是也甚則用姜汁吞下經云風木淫勝治以辛涼是也

壽四郎右脇痛小便赤少脉少弦不數此內有陳久積痰飲因外感風寒所遏不能宣散所以作痛與龍薈丸三十粒保和丸三十粒細嚼姜片以熱湯下服後脇痛已安小便尚赤少再與

白木紅

陳皮

芍藥各二

木通一

條芩分一 甘草分五

右姜三片煎熱飲之

一婦人脾疼帶脇痛口微乾問已多年時尚秋用二陳湯加川芎乾葛青皮木通下蘆薈丸二十粒章宅張郎氣痛自右脇時作時止脈沉而弦小便時有赤色吞酸喜嘔出食此濕痰在脾肺間所以肝善乘之小柴胡湯去黃芩加川芎白朮木通芍藥滑石生姜煎湯下保和丸三十五粒

一婦人氣暈兩脇胃背皆痛口乾

青皮 半夏分五 白朮 黃芩

川芎分三 木通分五 陳皮分二 桔梗分二

甘草分二

脇痛被食積

右分六帖煎熱服 又脇下有食積一條扛起加吳茱

黃炒黃連

肝虛脇痛中情

本治因驚傷肝脇骨理疼痛不已桂枝散

枳殼一兩 桂枝半兩

右為細末每服二錢姜枣湯調下

潔勻氣散專治脇痛

山梔 熟地 茯苓 細辛

桂心 川芎各等分

右研為末加羊脂煎服

本治脇下疼痛不可忍兼治肺弱芎葛湯

川芎 乾葛 桂枝 細辛

枳殼 人參 芍藥 麻黃

防風各半 甘草分二

右為粗末每服五錢水二盞生姜三片同煎至七分去

查温服日三服有汗避風

治脇下風氣作塊寒疝發則連小腹痛揆心其積屬肝在右脇下故病發則右脇手足頭面昏痛不思飲食

乾葛一兩

麻黃二分

附子一个

川芎

防風

當歸

枳實

芍藥

桂枝

羌活

甘草各四

右為粗末每服四錢水一盞半生姜三片同煎至七分去查服日三有汗避風

治脇痛如前兼去手足枯悴薏苡仁丸

薏苡仁一兩

石斛用細者

附子半兩

牛膝

生地黄各三

細辛

人參

枳殼

栝子仁

川芎

當歸各半

甘草

桃仁各一

右為細末煉蜜丸如桐子大每服三四十九酒吞下食

前日三服丸子食前煮散食後相兼服為佳

治悲哀煩惱傷肝氣至兩脇骨疼筋脉紫腰脚重滯兩股角急兩脇牽痛四肢不能舉漸至脊脊牽急此藥大治脇

痛枳殼煮散

枳殼四刀

細辛

桔梗

防風

川芎各二

葛根一兩

甘草

右為粗末每服四錢水一盞半姜枣同煎至七分去查空心食前温服

右肝虚脇痛經所謂木不及病中清眩脇痛是也中清謂中有寒也热实脇痛當歸龍荟丸是也

寒实热

仲脇下偏痛發熱其脉弦紧此寒也以温藥下之宜大黃

附子湯

大黃三

附子二枚

細辛二

右三味以水五升煮取二升分溫三服若強人煮取二升半分溫三服服後如人行四五里更進一服

垣神保丸治心膈痛腹痛血痛腎氣脇下痛大便不通氣噎宿食不消

木香二

胡椒二

巴豆十枚
心膜研

乾蝎七

右四味共為末湯浸蒸餅為丸如麻子大亦用硃砂為衣每服五丸心膈痛柿蒂燈心湯下腹痛柿蒂煨姜湯下血痛炒姜醋湯下腎氣脇下痛茴香酒下大便不通
蜜湯調檳榔末一錢下氣噎木香湯下宿食不消茶酒任下

許學士云沈存中良方載頃在建陽醫者王琪言諸氣唯

痰氣

膀胱脇下痛最難治謂神保丸能治之熙寧中病項筋骨痛諸醫皆作風治之數月不瘥乃流入于背齧又臂牽痛甚苦憶琪語有証乃合服之一服而瘥再發又一服立効
考黃丸治脇下疼痺痛如神方見內傷飲食
丹控涎丹治一身氣痛及脇走痛痰挾死血加桃仁泥凡脇痛有痰流注二陳加南星川芎蒼朮實者控涎丹下之
本治男婦兩脇疼痛枳實散

枳實一

白芍藥炒

雀腦芎

人參各半

右細末姜蔥湯調二錢酒亦得食前日三服

東調中順氣丸治三焦痞滯水飲停積脇下虛滿或時刺痛

木香

白荳蔻去

青皮炮

京三稜炮各

陳皮

大附子各二

半夏湯炮七

縮砂去

檳榔

沉香各半

右為末煮麩糊為丸如桐子大每服三十九丸漸加六十丸食後陳皮湯送下

沉香導氣散治一切氣不升降脇肋痞塞

沉香二斤

人參五斤

檳榔二斤

白朮

烏藥

麥蘖炒

神麩炒

紫蘇葉

大腹皮炒

厚朴製各一

訶子皮炮半

香附炮一

姜黃

橘紅

甘草各四

京三稜仁

廣茂炮四

益智二

紅花四

右為細末每服二錢食前沸湯點服

汚血

丹溪云脇痛有死血者桃仁紅花川芎之類是也若跌撲脇痛者亦為汚血流歸脇下而痛東垣復元活血湯之類是也治法見擷撲傷損門

運氣

運氣脇痛者鄉境皆病脇痛也其証有二

其一風木助肝氣實而痛經云厥陰所至為脇痛又云厥陰在泉風淫所勝民病兩脇裡急支滿又云少陽司天之政初之氣風勝乃搖候乃大溫其病脇痛治以涼劑得痊也

其二燥金攻肝虛而痛經云少陽所至為脇痛又云陽明司天燥氣下臨肝氣上從脇痛又云少陰司天地乃燥淒滄數至脇痛善太息又云歲木不及燥乃大行民病中清

針灸

內經灸刺脇痛有三法

其一取肝經云肝病者兩脇下痛引小腹善怒取其經厥陰與少陽又云邪在肝則兩脇中痛寒中惡血在內行善

掣節時脚腫取之行間以引脇下補三里以溫胃中取血脈以散惡血取耳間青脈以去其掣是也

其二取膽絡經云邪客足少陽之絡令人脇痛不得息欬而汗刺足小指次指爪甲上與肉交者各一痛不得息立已汗出立止欬者溫衣飲食一日已左刺右右刺左其病不已復刺如法是也

其三取心經云心手少陽脈所生病者目黃脇痛視虛實熱寒陷下施補瀉疾留灸之法也

隤脇痛 懸鍾 竅陰此三宗左取右右取左竅陰出血妙 外關

三里此一穴正取

又法 支溝 章門 中封

陽陵泉治門

行間瀉肝

期門治傷寒後脇痛

治脇并胸痛不可忍

期門四

章門六分灸七壯至七七壯

行間 丘墟 湧泉

束胸脇痛 期門沿皮三寸 支溝 膽俞沿皮

胸脇脹滿痛 公孫 三里

太衝 三陰交 腰脇痛 環跳

至陰 太白 陽輔

撮脇助痛 支溝透間使寫之灸 外關透內關如取支溝不必再取外關

通脇痛 陽陵泉

甲脇下支滿嘔吐逆陽陵泉主之 腹中氣脹噎噓不嗜

食脇下痛陰陵泉主之

仲寸口脈弦者即脇下拘急而痛其人齋齋惡寒也

靈合腋張脇者肺下肺下則居資迫肺善脇下痛 青色

粗理者肝大肝大則逼胃迫咽則苦膈中且脇下痛

凡脇骨偏舉者肝偏傾肝偏傾則脇下痛 揭唇者脾高

診

脾高則眇引季脇而痛俱見本藏篇 脾滿氣逆見喘條

附腋腫 腋臭

針灸 腋腫

內經針灸刺腋腫有二法

其一取膽經云膽足少陽之脉所生病者缺盆中腫痛腋

下腫是也 其二取心經云心主手厥陰脉是動則病手心熱腋腫皆

腋氣

丹腋氣神效方

蜜陀僧雨 白礬紅 硃砂少 射香少

右為細末先用皂角煎湯洗後傳上

又方

銅青 蜜陀僧 辰砂 白礬

硃砂 白附子

亦如前法搽之

本治腋氣用夜明砂不拘多少為末用豆豉汁調塗立效
又方以銅青好者不以多少米醋調成膏先洗淨腋下用
輕粉搽過却使上件塗之立效

經治狐臭用生姜塗腋下絕根本

三因治狐臭大蜘蛛一箇以黃泥入少赤石脂搗羅極細
入鹽少許杵為一窠包藏蜘蛛在內以火烧令通紅放冷
剖開將蜘蛛研細臨臥入輕粉一字用醋調成膏付腋
下明日登廁必瀉下黑汁臭穢不可聞於遠僻處傾埋之
免致染人

世治腋氣先用刀削去腋毛淨用白定粉水調搽傳患處
至過六七日夜後次日早看腋下有一黑點如針孔大用
筆點定即用艾炷灸七枚灸過攻心中痛當用後藥下之

青木香 檳榔 丁香 檀香

射香 大黃

右煎服以下為度

△諸疝附少腹痛 癰疝 狐疝 產小腹痛

大法

疝痛屬足厥陰肝經也小腹亦肝經也故疝痛與小腹痛同一治法所謂疝者辜丸連小腹痛也其痛有獨在辜丸者有獨在小腹偏於一邊者有辜丸如升斗者癰疝是也又立臥出入往來者狐疝是也

丹疝痛之甚者也辜丸連小腹急痛也有痛在辜丸者有痛在五樞穴邊者皆足厥陰之經也或有形或無形或有聲或無聲或有形如瓜有聲如蛙者素問以下歷代名醫皆以為寒蓋寒主收引經絡得寒收引不行所以作痛理固然也有得寒而無疝者又必有說通之可也予嘗因所

戶上履霜雪踢水徒涉不曾病此以予素無熱在內也因而思之此症始於濕熱在經鬱而至久又感寒氣外束濕熱之邪不得疏散所以作痛若只作寒論恐為未備或曰此症多客厥陰一經其道遠其位卑鬱積濕熱何由而致予曰大勞則火起於筋醉飽則火起於胃房勞則火起於腎大怒則火起於肝本經火積之久而母能生子濕氣便盛厥陰屬木係於肝為將軍之官其性急速火性又暴為寒所束宜痛之亦大暴也愚見有用烏頭梔子等分作湯用之其効亦敏後因此方隨症與形加減用之無有不應然濕熱又須分多少而施治但濕者腫多癰疝是也又有挾虛而發者當以參朮為君而以疏導藥佐之診其脉不甚沉急而大豁無力者是也然其痛亦輕惟覺重墮牽引耳羅丁香練實丸治男子七疝痛不可忍者婦人瘕聚帶下

歷代醫治外東

之器

皆任脉所主陰經也乃肝腎受病治法同歸於一

當歸去芦

附子炮去皮

川練子

茴香各一兩

右剉碎以好酒三升煮酒盡為度焙乾作細末每藥

末一兩入下項藥

丁香五分

全蝎十三箇

玄胡索五錢

木香五分

右四味同為細末入前項當歸等末內拌勻酒糊為丸

如桐子大每服三十九至百丸温酒空心送下一方無當歸本

香名苦練丸立効

凡疝氣帶下皆屬於風全蝎治風之聖藥也

川練茴香皆入小腹經當歸玄胡索和血止痛疝氣帶

下皆積寒邪於小腸之間故以附子佐之丁香木香為

引導也漆匠韓提控疝氣每發痛不可忍則於榻兩末

各置一枕往來伏之以受如是三年不已服此藥三劑

良愈

丁香疝氣丸治臍下撮急疼痛并臍下週身一遭皆急痛

小便頻數清其五脉急洪緩滯沉按之皆虛獨腎脉按之

不急皆虛無力名曰腎疝

當歸

茴香各半兩

甘草稍八分

麻黄根節一錢

丁香五分

全蝎十三箇

玄胡兩半

羌活稍三分

肉桂一錢

防已三錢

川烏兩半

右件為細末酒糊丸如雞荳大每服五十九淡塩湯送

下須空心宿食消盡服之

羅當歸四逆湯治男子婦女疝氣臍下冷痛相引腰膝而

疼

當歸稍七分

附子炒

官桂

茴香炒各五分

芍藥四分

玄胡索

川練子

茯苓各三分

澤瀉二分

柴胡五分

右研為粗末都作一服水煎空心

玄胡索苦練湯治臍下冷撮痛陰冷大寒

肉桂分三

附子分三

熟地黄錢一

甘草稍錢灸半

苦練子分二

黃柏引用一分武

玄胡索分二

右件都作一服水四盞煎至一盞依法食前服

右四方桂附治寒玄胡當歸川練茴香丁香木香和血

調氣蓋寒症挾汚血滯氣者宜之

葫蘆巴丸治大人小兒小腸氣蟠腸奔豚疝氣偏墜陰腫

小腹有形如卵上下來去痛不可忍或絞結繞臍攻刺嘔

吐悶亂並皆治之

葫蘆巴兩二

茴香鹽炒一分兩半

吳茱萸湯洗炒一分兩二錢

川練子去核炒一分兩二錢

巴戟去心炒七錢半

川烏炮去皮火

黑丸炒取原末二兩

右研為細末酒糊為丸如桐子大每服十五丸至二十

丸止空心溫酒送下小兒五丸茴香湯下食前一本無

聖藥

衍葫蘆巴本經云得茴香桃仁治膀胱氣甚效嘗合用桃

仁麩炒各等分拌酒糊丸半為散每服五七十九空心食

前鹽酒下散以熱米飲調下與丸子相間空心各一二服

効

丹腎氣疝

茴香

破故布

吳茱萸鹽炒各半兩

木香三錢

葫蘆巴十錢

右為細末蘿蔔搗汁丸鹽湯下

右三方葫蘆巴破故布巴戟為君蓋疝而元陽素虛少

者宜之

本治小腸氣不可忍者

烏藥搗碎酒浸二宿

高良姜生

茴香各一兩

青皮二兩去白

右研為末每服二錢遇發熱酒調下

治遠年小腸氣衆醫不瘥者

硫黃

茴香炒令黃不可犯鐵器各等分

右研為末每服五錢用熱酒調空心服除根本

川練散

木香一兩

茴香一兩鹽一匙一處炒黃色不用鹽

川練子一兩剉細用巴豆十粒打破一處炒黃色不用巴豆

右研為細末每服二錢空心食前調下

垣天台烏藥散

烏藥

木香

茴香炒

良姜各五兩

檳榔三錢

川練子箇十

巴豆十四粒

青皮兩半

右八味先以巴豆打碎一同練實用麩炒候黑色去巴

荳麩俱不用外為細末每服一錢溫酒調下痛甚炒生

薑熱酒下亦得

簡木香練子散治小腸疝氣膀胱偏墜久藥不効者服此

其効如神

川練子三十箇巴豆二十粒同炒黃赤色去巴豆不用將川練子研為末

萆薢兩半

石菖蒲一兩炒

青木香一兩炒

荔枝核二十枚炒

右研為細末每服二錢入射香少許空心炒茴香鹽酒

調下

右以巴豆炒藥例許李士云大抵此疾因虛而得之不

可以虛驟補邪之所湊其氣必虛留而不去其病實

矣故必先滌去所畜之邪熱然後補之是以諸藥多借
巴菝氣者蓋為此也

仲寒疝腹中痛逆冷手足不仁若身疼痛灸刺諸藥不能
治抵當烏頭桂枝湯主之

右用烏頭一味以蜜二升煎減半去渣以桂枝湯五合
解之令得一升後初服二合不知再服三合又不知復
加至五合其知者如醉狀得吐者為中病桂枝湯方見
傷寒門海藏

以附子建中湯加蜜
煎治疝即此法也

腹痛脉弦而緊弦則衛氣不行即惡寒緊則不欲食邪正
相搏即為寒疝寒疝繞臍痛若發則自汗出手足厥冷其
脈沉弦者大烏頭煎主之脉經云邪
作弦陰
大烏頭煎去皮不啖咀以水二升煎取一
升去渣納蜜二升煎令水氣盡作湯服食
後一服過後再不作矣

丹溪
內爵之
温熱

治諸疝方

枳實九粒

桃仁十四

山梔九箇炒

吳茱萸七粒

山查四粒

生姜如拈

右味同入搗盆搗細取順流水一鍾入瓶內煎至微沸
帶查服如濕勝癩疝者加荔枝核如痛甚者加鹽炒大
茴香二錢如痛處可按者加薄桂少許

又方治疝痛

山梔二兩

山查四兩

枳實炒

茴香各二

柴胡

牡丹皮

八角茴香炒各

桃仁

茱萸炒半

右研為末酒糊丸空心鹽湯下五六十丸

治陽明受濕熱傳入太陽發熱惡寒小腹連毛際間悶痛
不可忍

梔子仁炒 桃仁炒 枳實炒 山查各等分

右味同研細入生姜汁半合同水一小鍾盪起煎令沸熱服之一方加茱萸

楊淳三哥因舊有腎氣上引乳邊及右脇痛多痰有時膈上痞塞大腑秘結平時少汗脉弦甚與保和温中各二十

丸研堯仁郁李仁吞之
本治膀胱氣痛茴香散

茴香 金鈴子肉 蓬莪朮 京三稜各一兩

甘草半兩

右為細末每服二錢熱酒調下每發痛甚連日只二三服立定

治膀胱氣金練散

巴豆一百粒 去壳 川練子二十四箇湯浸去薄皮切作片子

右三味用麩二升同炒令黃赤去麩與巴豆不用只將

川練練肉一味為末每服三錢温酒空心送下余閱古

今一切名方無如此奇特有效一方川練子不用巴豆

炒亦妙

靈胃中熱腸中寒則疾饑小腹痛脹師傳篇 疾如胃

按之不痛屈志

丹諸疝痛處用手按之不痛者屬虛必用桂枝炒山梔細

切川烏頭等分為細末生姜自然汁打糊為丸如桐子大

每服三四十九空腹白湯下

疝可按者並于歷代獨治外寒條下求之

丹溪云疝有挾虛而發者其脉不甚沉緊而大豁無力者

是也然其痛亦輕惟覺重墜牽引耳當以參朮為君疏導

藥佐之蓋疏導藥即桃仁山查枳實梔仁茱萸川練玄胡

索丁香木香之類以佐參朮之類是也

海姬提領因疾服涼劑數日遂病臍腹下大痛幾至於死
與姜附等劑雖稍蘇痛不已隨本方內倍芍藥服之愈
羅疝氣治驗○癸丑歲治火兒赤憐歹病疝氣復因七月
間饑飽勞役過飲潼乳所發甚于初面色青黃不澤臍腹
陣痛搐撮不可忍腰不能伸熱物熨之稍緩脉得沉小而
急于思難經有云任之為病男子內結七疝皆積寒于小
腸所致也非大熱之劑即不能愈遂制一方名之曰沉香
桂附丸每服一百丸空心溫酒下間服天台烏藥散旬日
良愈明年秋如故

沉香桂附丸治中氣虛弱脾胃虛寒飲食不美氣不調和
退陰助陽除臍胸積冷心腹疼痛脇肋膨脹腹中雷鳴面
色不澤手足厥逆便利無度又治下焦陽虛及療七疝痛
引小腹不可忍腰痛不能伸喜熱熨稍緩

沉香

附子

川烏

乾姜

良姜

官桂

茱萸

茴香

丹治疝劫痛方

川烏頭

梔子仁

右各等分煎湯服之神効濕多癩腫者烏頭為君蓋川
烏頭治外束之寒梔子仁治內鬱之熱也

羅陰疝足厥陰之脈環陰器抵小腹或痛因腎虛寒水涸
竭瀉邪補肝宜以蒺藜湯主之

蒺藜湯治陰疝牽引小腹痛諸厥疝即陰疝也房慾勞痛
不可忍者

蒺藜

附子

芍藥

甘草

右研為末每服三錢水一盞半煎至七分去渣食前溫服

丹又方

橘核

桃仁

梔子

茱萸

川烏各等分

右研煎服

治疝作急痛

蒼朮鹽炒

香附鹽炒

茴香炒為佐

黃柏酒炒為君

青皮

玄胡索

益智

菴仁為臣

附子鹽水炒

甘草為使

右研為末作湯服後一痛過更不再作矣

仲寒疝腹中痛及脇痛裏急者當歸生姜羊肉湯主之

當歸兩

生姜兩

羊肉斤

右上一三味以水八升煮取三升溫服七合一日三服若

寒多者加生姜十片痛多而嘔者加陳皮二兩白朮一

兩如加生姜者亦加水五升煮取三升二合服之新義

仲景治寒疝用生姜羊肉湯服之無不應驗有一婦人產當寒月寒氣入產門腹臍以下脹滿手不敢犯此寒疝也師將治之以抵當湯謂有瘀血非其治也

按之而痛者為實

用諸疝痛處用手按之大痛者為實也

羅疝氣痛及脚膝無力控辜証 至真大要論云小腹控

辜引腰脊上衝心唾出清水及為歲噫其則入心善忘善

悲甲乙經曰邪在小腸也小腸病者小腹痛引腰脊貫肝

肺其經虛不足則風冷乘間而入邪氣既入則厥証上衝

肝肺客冷散于胸結於臍控引辜在上而不下痛而入腹

甚則衝于心胸蓋其經絡所係也啓玄子云控引也辜陰

九也

大便不利
利者利
大便秘

控引舉丸治小腸痛結上而不下痛引心臆即東垣荷香
練實丸按之

川練子

茴香炒

吳茱萸湯洗

青皮

陳皮各一兩

芫花醋炒五錢

馬薊花醋炒一兩

右為細末醋糊為丸如桐子大每服三十九丸温酒送下

食前服量虛實加減以利為度

木治小腸氣痛撞腹面青唇黑欲死者

木香

茵陳

芫花

甘遂各等分

右四件為末每服二錢水一盞煎至七分去渣温服服

過此藥後應犯甘草藥皆不得吃恐與甘遂相反故也

其藥甚妙亦其有理屢有驗切

礪砂丸

木香

沉香

巴豆肉各一兩

青皮二兩不
去支

銅青半兩

礪砂一錢

右已上二香青皮三味細研同巴豆慢火炒令紫色為

度去巴荳為細末入礪砂二味同研勻蒸餅和丸如梧

桐子大每服七丸至十九丸塩湯吞下日二三服空心食

前服

子和律科王敏之病寒疝臍下結聚如黃瓜每發繞臍急

痛不能忍戴師先以舟車丸及猪腎散下四五行覺藥繞

病三五次而下其瀉皆水也猪腎甘遂皆苦寒經言以寒

治寒萬舉萬全但下後忌飲冷水及寒物宜食乾物以寒

疝本是水故也即日病減八分食進一倍又數日以舟車

丸百餘粒通經散四五錢服之利下候三四日又服舟車

丸七人十位猪腎散三錢乃健步如常矣 近穎尾一夫

病卒疝赤腫大痛數日不止余以導水丸一百五十九令

三次咽之次以通經散三錢空腹淡酒調下五更下二三
十行腫痛皆去不三日平復如故

右治實痢利大便形氣實脈有力者宜之

小便不利者利小便

杜三十七太尉忽患小腸氣痛醫官及京城醫家用藥皆
不効每一發幾死上召杜至進藥數服不驗太尉曰我命
不久致良醫不能治上召杜問所以杜對臣用古方書皆
不獲愈今日撰一方容進上杜曰撰方已成未敢進先合
藥以進太尉一服十愈八九再服全愈然後進方名曰救
命通心散川烏頭一兩用青鹽一錢酒一盞浸一宿去皮
尖焙乾川練子一兩用巴豆二十一粒同炒候黑色去巴
豆茴香半兩石燕一對土狗五枚芥子一錢六分為末每
服三錢入羊石子肉濕帚煨香熟夜半時用好酒半升入
鹽細嚼石子以酒嚥下不得作聲小便大利其病遂去

家今秘此方

本頃在嶽城日欵尉宋荀甫膀胱氣作疼不可忍醫者以
剛劑與之痛愈甚小便不通三日矣臍下虛脹心悶予因
候之見其面赤黑脉洪大予曰投執藥太過陰陽痞塞氣
不得通為之奈何宋尚手持四神丹數粒去醫謂不止更
服此予曰若服此定斃後無悔渠求治予適有五苓散一
兩許令三服用連鬚葱一莖茴香一撮鹽一錢水一盞半
煎至七分令接續三服中夜下小便如墨汁者一二升臍
下寬得睡翌日胛之脉已平安矣續用硃砂丸與之數日
瘥

右利小便治疝常治謝人妻小腹疼痛小便不通先艾
灸三陰交以茴香丁香青皮檳榔桂葉莫玄胡索山查
枳實又倍用黃柏煎服之愈

小腹有死血

丹赤岸朱同道年四十歲八月望雨後得涼半夜後腹痛甚汗如雨兩脚踏破壁痛在小腹手不可近六脉弦而細實重取如循刀刃責責然問之云六月大熱時于深潭浴水病或起於此與大承氣湯大便微利痛遂頓止至次日酉時其痛復作痛在小腹堅硬手不可近又與大承氣加桂兩服研苑仁同煎大便下紫黑血升餘而痛頓止至次日酉時痛復作如初脉雖稍減而責責然猶在與大承氣湯加附子兩貼研苑仁同煎下大便五行得黑紫血如破絮者二升許痛遂頓止一夜得睡欠日酉時痛復如初詢知小腹和軟痛在臍腹間下脉亦和似若無病但呻吟如舊詢知乃食蘿蔔菜苗羹兩頓與小建中湯一貼而愈世一婦人少腹痛百藥不効一醫用杉木管置便煎服下血而愈

丹治膀胱氣急用蕪荑和食鹽等分綿裹如棗大納下部或下水惡汁并下氣佳

丹治小腸氣用血師一兩米醋一升以火燒血師通赤粹入醋中以焯竭為度搗羅如麴用湯調下一大盞即瘥如神血師代赭石也

聖治寒疝小腹及陰中相引而痛自汗出欲死丹參一兩杵為散每服熱酒調下二錢七

丹治諸疝發時用海石香附二味為末生薑汁湯調亦能治心疼

剉木賊細剉微炒搗為末沸湯點二錢服食前治小腸膀胱氣緩緩必効

本治疝氣

青礬兩

白礬一兩各為粗末

右用小瓦罐子一隻入二藥在內用麻皮縛緊搗鹽泥封固以炭五斤煨令通紅盡炭為度取出埋地穴中伏一宿出火毒醋糊為丸如菉豆大每服十九空心鹽湯送下或白湯亦可

逆氣肝受邪小腹痛引脇

運氣小腹痛有三一曰肝病小腹痛引脇痛是也經云厥陰之復少腹堅滿裏急暴痛是風氣助肝盛而然治法當瀉肝也又云歲金太過民病兩腹下痛小腹痛又云歲木不及燥乃大行民病中清肱脇痛少腹痛又云歲土不及風乃大行民病腹痛復則胸脇暴痛下引小腹者是燥邪攻肝虛而然治法當補肝瀉金也又寒氣客於厥陰之脉則血泣脉急故脇肋與小腹相引痛者治法亦同也全文見諸痛門
一曰小腸其病小腹引鞞丸腰脊痛是也經云少陰之服心下熱善饑臍下痛又云少陰之復燥熱內作小腹絞痛

小腸受邪小腹痛引鞞丸

針灸

膀胱受邪小腹痛腫不得小便

針灸

者是熱助小腸盛而然治法當瀉小腸也又太陽在泉寒淫所勝與太陽之復皆病小腹控鞞引腰脊上衝心痛及太陰司天大寒且至病小腹痛者是寒邪攻小腸虛而然治法當補小腸瀉寒邪也

三曰膀胱其病小腹痛腫不得小便是也經云太陰在泉補膀胱瀉濕土邪也已上經文見運氣類註

內經刺灸小腹痛共四法一曰肝經曰肝病者兩脇下痛引小腹取其經厥陰小腸全文見灸刺門五臟條又曰邪客厥陰之

絡今人卒疝暴痛刺足大指爪甲上與肉交者各一疝男子立已女子有頃已左取右右取左者是也全文見灸刺門六有條

之後取巨虛下廉又云小腸控鞞引腰脊上衝心邪在小

甲上大數穴也

二曰小腸

經云

病者小腹腰痛脊控鞞而痛時窘

腸取之盲原以散之刺太陰以予之取厥陰以下之巨虛
下廉以去之按其所過之經以調之是也全文並見針灸
氣海又云疝暴痛取足太陰厥陰盡刺去其血絡靈樞熱

風疝而分腸病經云心為牡藏
小腸為之使故小腹當有形也

三曰膀胱經云膀胱病者小腹偏腫而痛以手按之即欲

小便而不得取委中央又云小腹痛腫不得小便邪在三

焦約取之足太陽大絡者是也全文見針灸門六腑條
太陽大絡委陽穴也

四曰督任衝蹠經文見如左

素病在小腹不得大小便病名曰疝得之寒刺小腹兩股

間刺腰髀骨間刺而多之盡炆病已長刺節篇小腹兩股
間者氣衝穴也衝脈

也下氣衝故也腰髀間者工註謂腰尻挾脊平立陷者中
按之有骨處是也疝為寒生故多刺少腹盡熱乃止針

靈腎脈生病從少腹上衝心而痛不得前後為衝疝任

疝為病男子內結七疝女子帶下瘕聚俱見骨
空論

摘元藏發動臍下痛不可忍 氣海 三陰交左取

右取
左右同

玉疝氣少腹偏痛 大敦二分沿皮向後三分瀉之

三陰交一寸瀉
十吸

撮又法 大敦 水道 小海

桑又法 中極 印腎

摘卒疝少腹痛不可忍 大敦二分隔六
呼灸七壯

陰市三分灸
五壯 照海三分灸七壯已上
皆左取右取左

痲痺小腸膀胱腎餘疝氣 氣海 五樞各用燭針刺入
五分灸百壯

三里 三陰交刺

桑疝 三陰交 三里 足三間

摘疝 行間 二里

集大法 關門 關元 水道 三陰交不已再
取下穴

海底 歸來

摘少腹痛 關元 三里

甲陰跳遺溺小便難痛陰上下入腹中寒疝陰挺出偏大腫腹臍痛腹中悒悒不樂大敦主之 腹痛上搶心心下滿癢莖中痛怒瞑不欲視泣出長太息行間主之 環臍痛陰騫兩丸縮腹堅痛不得臥太衝主之 疝瘡臍少腹引痛腰中痛中封主之 陰跳腰腹痛實則挺長寒熱攣陰暴痛遺溺便大虛則暴痒氣逆腫辜疝小便不利如瘡狀數噫恐悸氣不足腹中悒悒少腹痛隘中有熱有瘕肉狀如着欲出背攣不可俛仰暴瀉主之

右取藏經厥陰

男子陰疝兩丸上下少腹痛五樞主之 大疝腹堅坵壙主之

右取節經少陽

少腹痛癢泄出糜次指熱若脉陷寒熱身痛唇乾不渴汗出毛髮焦脫肉少氣內有熱不欲動搖泄膿血腰引少腹痛暴驚狂言非常巨虛下廉主之 少腹痛控辜引腰脊疝痛上衝心腰脊強溺黃赤口乾小腸膈主之 疝瘕驛中急痛循脇上下搶心腹痛積聚府舍主之 腹痛疝積聚上衝心雲門主之

右巨虛下廉小腸膈者取本腑也府舍雲門者刺太陰以予之也

四肢淫灑身悶癢疝至陰主之 臍疝繞臍痛衝胸不得息灸臍中 陰疝引辜陰交主之 少腹疝臥善驚氣海主之 臍疝繞臍痛石門主之 暴疝痛少腹大熱關元主之 少腹痛溺難陰下縱橫骨主之 男子陰端寒上

診

衝心中很很會陰主之 癰疽然谷主之 卒疽少腹痛

照海主之病在左取右右取左立已 陰暴起疽癰胞中

有血四滿主之 臍疽繞臍痛時上衝心天樞主之 氣

疝穢嘔面腫奔豚天樞主之 陰疝氣疝天樞主之 陰

疝痿莖中痛兩丸騫臥不可仰臥刺氣衝 陰疝衝門主

之一作衡門 寒疝下至腹膝腰腰痛如清水大腹諸疝按之

至膝上伏兔主之 寒疝痛腹脹滿痿厥少氣陰谷主之

素厥陰脉滑則病狐疝風少陰滑則病肺風疝太陰脉滑

則病脾風疝陽明脉滑則病心風疝太陽脉滑則病腎風

疝少陽脉滑則病肝風疝四時刺逆從論

胗肝脉滑甚為癰疝 心脉微滑為心疝引臍下小腹鳴

腎肝滑甚為癰積全文見治法

東夫滑脉關已上見者為大熱蓋陽與陽併也故大熱滑

脉尺部見為大寒生癰疝滑脉者命門包絡之名也為丙

丙丁熱火併于下蓋丙丁不勝壬癸從寒水之化也故生

癰疝

靈帝曰診得心脉而急此為何病岐伯曰病名心疝小腹

當有形也帝曰何以言之岐伯曰心為牡藏小腸為之使

故曰少腹當有形也脉要精心脉搏滑急為心疝肺脉沉

搏為肺疝腎脉肝脈大急沉皆為疝俱大奇論

脈脈來中央堅實徑至關者衝脈也動苦少腹痛上搶心

有癰疝絕孕遺矢溺脇支滿煩也

丹臍下忽大痛人中如墨色者多死

子和七疝圖○寒疝其狀囊冷結硬如石陰莖不舉或控

辜丸而痛得于坐臥濕地或寒月涉水或冒雨雪或坐臥

磚石或風冷處使內過勞宜以溫劑下之久而無子

水疝其狀腎囊腫痛陰汗時出或囊腫而狀如水晶或囊
痒而搔出黃水或少腹中按之作水聲得於飲水醉酒使
肉過勞汗出而遇風寒濕之氣聚于囊中故水多令人為
卒疝宜以逐水之劑下之有漏針去水者人多不得其法
筋疝其狀陰莖腫脹或潰或痛而裏急筋縮或莖中痛痛
極則痒或挺縱不收或白物如精隨洩而下久而得於房
室勞傷及邪術所使宜以降心火之劑下之

血疝其狀如黃瓜在小腹兩旁橫骨兩端約中俗云便癰

得於重感春夏大燠勞于使內氣血流溢滲入睥囊留而

不去結成癰腫膿少血多宜以和血之劑下之和血四物湯調胃承

氣湯各半服之是也

氣疝其狀上連腎區下及陰囊或因號哭忿怒則氣鬱之
而脹罷則氣散者是也有一治法以針出氣而愈者然針

有得失宜以散氣之藥下之或小兒亦有此疾俗云偏氣

得于父已年老或年少多病陰痿精怯強力入房因而有

子胎中病也此疝不治惟築賓一穴主之

狐疝其狀如瓦臥則入小腹行立則出小腹入囊中狐則

晝出穴而溺夜則入穴而不溺此疝出入上下往來正與

狐相類也亦與氣疝大同小異今人帶鉤鉗是也宜以逐

氣流經之藥下之

癰疝其狀陰囊腫緹如升如斗不痒不痛者是也得之地

氣卑濕所生故江淮之間湫澹之處多有此疾宜以去濕

之藥下之女子陰戶突出雖亦此類乃熱則不禁固也不

可便謂虛寒而澁之燥之補之本名曰瘻宜以苦下之以

苦堅之

王註云陽氣下墜陰氣上爭則寒多下墜則筋緩故舉重緩因作瘻疝也

已上七疝下去其病之後可調則調可補則補各量病勢

勿拘俗法經所謂陰盛則腹脹不通者癰疽也不可不

右疽圖雖七然寒疽即疽之總名水疽即癰疽之屬氣
疽即孤疽之屬血疽即癰疽之屬惟筋疽罕見之蓋下
疔瘡之屬也

△癰疽

辜囊腫大如升如斗是也

癰疽不痛難治

丹下部癰氣不痛之方細思非痛斷房事與厚味不可用
藥惟促其壽若蒼朮神麩白芷山查川芎枳實半夏皆要
藥人視其藥皆鄙賤之物以啓慢心又不能斷慾以愛護
其根本非徒無益而反被其害者多矣且其藥且隨時月
張濕更按君臣佐使加減大抵癰疽屬濕多

蒼朮

神麩

白芷

山查

川芎

枳實

半夏

南星

右神麩糊為丸有執加山梔一兩堅硬加朴硝半兩秋
冬加吳茱萸二錢半

癰疽

南星

山查

蒼朮

白芷

半夏

枳實

神麩

海藻

昆布

玄明粉

吳茱萸

右為末酒糊丸

又方治水腎不痛

南星

半夏

黃柏

蒼朮

枳實

山查

白芷

神麩

滑石

茱萸

昆布

右為末酒糊丸空心鹽湯下一方加枸杞子

無香附散治癩脹用香附子不拘多少為末每用酒一盞
海藻一錢煎至半盞先撈海藻嚼細用所煎酒調末二錢
服

東又方治偏墜初生用川山甲茴香二味為細末酒送下
以乾物壓之

丹木腎以楮木葉雄者晒乾為末酒糊為丸空心鹽酒下
本事方云無實者雄也

利小便 緊海蛤九癩疔

海蛤 醋炒

當歸

海金沙

賦粉

礪砂 各一錢

海藻

粉霜 各五分

水蛭 二十一條炒

青黛

滑石

乳香 各一錢

硃砂 二錢為末

地龍 二十一條去頭足

右細末鹽煑而糊為丸如小荳大硃砂為衣每服十九

煎燈心湯空心服之小便下冷膿惡物乃効却以黃連

紫荷車板藍根各二錢煎湯漱口以固牙齒去板藍根

加骨伸

綿包取汗

世治偏墜大者用乾姜桂各一兩為末以綿一兩水大三

碗同煮二十餘沸起晒乾又煮水盡為度用乾綿包陰丸

汗出數次漸愈

海地黃膏子丸治男子婦人臍下奔豚氣塊小腹疼痛卵

痛即控舉相似漸成腫陰陰痛上衝心腹不可忍者宜服

此藥

血竭

沉香

木香

玄胡索

蛤蚧

人參

當歸

川芎

川練 炒

續斷

白朮

全蝎

茴香 炒

柴胡

吳茱萸

痲氣痛者易治

沒藥已上分兩不定
隨症加減用之

氣多者加青皮

血多加肉桂

右同為細末地黃膏子丸桐子大空心溫酒下二十九

日加一丸至三十丸

簡安息香丸治陰氣下墜痛脹卵核腫大堅硬如石痛不能忍者

玄胡索炒

海藻洗

昆布洗

青皮去白

茴香炒

川練子去核

馬薤花已上各一兩半

木香半兩不見火

木香半兩不見火

大戟酒浸三宿切片焙乾三錢半

右為細末另將礪砂真阿魏真安息香三味各二錢半用酒一盞醋一盞將礪砂阿魏安息香淘去砂石用酒醋合一盞熬成膏子再入麝香一錢沒藥一錢半俱各另研細入前藥一同和丸如葶藶大每服十九至十五

丸空心用綿子灰調酒下

本治膀胱疝氣外腎腫痛不可忍念珠丸

乳香

礪砂各三錢飛

黃蠟兩

右乳香礪砂同研勻溶蠟和為丸分作一百單八九以線穿之露一宿次日用蛤粉為衣旋取用乳香湯下頃年有人貨疝疾藥日貨數阡有一國醫多金得之用之良驗

穢鬱者
內疎之

丹鄭子敬因吃酒後飲水與水果偏腎大時作蛙聲或作痛炒枳實一兩茴香鹽炒炒梔子各三錢研煎下保和丸

昌世官膀胱氣下墜如蛙聲臭橘子核炒十枚桃仁二

十枚蘿蔔自然汁研下保和丸七十 湜元年三十左腎

核腫痛此飲食中濕墜下成熟以橘核脚臭五枚桃仁七

枚細研順流水一盞煎沸熱下保和丸

寒束之
溫散之

本治膀胱腫硬牽引疼痛及治小腸氣陰囊腫毛間出水
宜服金鈴丸

金鈴子肉五兩

茴香炒

馬蘭花炒

兔絲子

海蛤

破故紙

海帶各二兩

木香

丁香各一兩

右細末糊丸如桐子大每服二三十丸溫酒鹽湯空心食前服

無大戟丸治陰癩腫脹或小腸氣痛

大戟去皮剉炒

葫蘆巴炒四兩

木香一兩

附子炮去皮臍

茴香

訶子煨去核

檳榔各半兩

川練五兩

麝香半兩研

右為末獨取川練以好酒二十葱白頭七枚長三四寸煮川練軟去皮核取肉和上件藥杵丸如桐子大空心

溫酒下十九丸潮發疼痛炒姜熱酒下十五丸

按之臍
腹痛者
下之

抵聖丸治陰癩腫滿赤腫大便秘欲飲水按之臍腹痛

續隨子 薏苡仁 郁李仁 茵芋

白牽牛各一錢 右為末滴水丸如桐子大每服五丸用博濟方香姜散

嚙下黃昏服五更利下惡物効

子和汝南司候李審言因勞役王事飲冷水坐濕地乃濕氣下行流入脬囊大腫痛不可忍以金鈴川練等藥不効求治于戴人曰可服洩水丸審言感之又數日痛不可堪竟從戴人先以舟車丸瀆川散下青綠水十餘行痛止後用茴香丸五苓散以調之三日而腫消至老更不作

雜方

世綿包取汗方見癩疔

丹木腎以枇杷葉野紫蘇葉蒼耳葉水晶蒲筒葉濃煎湯

薰洗

無雄黃散治陰腫大如斗核痛人所不能治

雄黃研一兩

礬二兩

甘草生半兩

右剉散以水五升煎洗

溺失笑散治腎腫

荆芥蕙一兩

朴硝二兩

右為粗末蘿蔔葱同煎湯淋洗

梅治卒外腎腫痛大黃末醋和塗之乾即易之

焦治男子陰腫大如升核痛人所不能治者搗馬鞭草全

之男子陰腫大如斗核痛人所不能治者蔓菁根搗傳

之

燥邪攻

運氣癩疔有一經云陽明司天燥淫所勝丈夫癩疔婦人

小腹痛又云陽明之勝外發癩疔者是燥邪攻肝氣虛而

然治法當補肝瀉燥金也

至文見運氣類注

素厥陰所謂癩疔婦人少腹腫者厥陰者辰也三月陽中

之陰邪在中故曰癩疔少腹腫也所謂癩疔膚脹者曰陰

亦盛而脈脹不通故曰癩疔也

俱脈解篇

三陽為病發寒熱下為癰腫及為痿厥喘瘡其傳為癩疔

全文見診病傳變王注云喘瘡瘡痛也

靈黃帝曰刺節言去爪夫子乃言刺關節肢絡愿率聞之

岐伯曰腰脊者身之大關節也肢脛者人之管以趨翔也

莖垂者身中之機陰精之候津液之道也故飲食不節喜

怒不時津液內溢乃下流於辜血道不通日大不休俛仰

不便趨翔不能此病榮然有水不上不下鉞石所取形不

可匿常不得蔽故命曰去爪帝曰善刺節真邪篇

內經刺灸癩疔共四法其一節此篇文所謂鉞石取辜囊

針灸

肝

小腸

針灸

中水液者是也其法今世人亦多能之舉丸囊大如斗者
中藏穢液必有數升信知此出古法也鍼針如力狀

其二取肝經云足厥陰之脈是動則病丈夫癩疝婦人小
腹腫是也于足厥陰肝經視盛虛熱寒陷下而施補瀉

留疾與灸也至文見針灸門十二經條

其三取肝之絡經云足厥陰之別名曰蠡溝去內踝五寸

別走少陽其別者徑脛上臑結于莖其病氣逆則臑腫卒

疝取之所別是也是於內踝上五寸貼脛骨後近肉處蠡

溝取之也全文見針灸門十五經條

其四取足陽明筋經云足陽明之筋聚於陰器上腹其病

轉筋髀前腫癢疝腹筋急治在燔針劫刺以知為數以痛

為輸是也是於轉筋痛處用火針刺之也
桑治偏墜當外腎縫沿皮針透即消

隤木腎紅腫如升大不痛 大敦 三陰交 海底 歸

來在水道下二寸針入一寸半灸七壯

旁開二寸針入二寸半 三陰交

甲癩疝大巨及地機中郄主之 癩疝陰暴痛中封主之

千金云癩疝盛暴痛痿厥身體不仁 氣癰癩疝陰急股樞膈內廉痛交信

主之 丈夫癩疝陰跳痛引篡中不得溺腹支脇下搯滿

閉癢陰痿後時泄四支不疼實則身疼痛汗不出目眈眈

然無所見怒欲殺人暴痛引髓下節時有熱氣筋攣膝痛

不可屈伸狂如新發衄不食喘呼小腹痛引噫足厥痛湧

泉主之 蠲木腎紅腫疼痛 然谷半寸瀉之

世灸關元者可愈蓋灸之早方效

垣前陰分大寒大熱囊垂縮○陰陽別論云三陽為病發

寒熱辨

醫學綱目卷二

五

寒熱下為壅腫及為痿厥腦痛其傳為索澤又傳為癩疝
夫熱在外寒在內則累垂此九夏之氣也寒在外熱在內
則卵縮此三冬之氣也足太陽膀胱之脉逆上迎手太陽
小腸之脉下行至足厥陰肝之脉不得伸其任脉並厥陰
之脉逆則如巨川之水致陽氣下墜是風寒濕熱下出囊
中致兩澤腫大謂之曰疝太甚則為癩足厥陰之脉與大
腸膀胱寒水之脉同至前陰之末傷寒家說足厥陰肝經
為病煩滿囊縮急下之宜大承氣湯以瀉大熱靈樞經云
足厥陰肝經筋中為寒則筋攣卵縮為大寒前說囊縮為
大熱此說為大寒此說囊縮垂辜下引癩疝脚氣為大寒
風濕盛下垂為寒與上二說不同何也曰以平康不病人
論之夏暑大熱囊卵累垂冬天大寒急縮收上于前三說
又不同何也是相乖耶不相乖耶答曰傷寒家囊卵縮大

熱在內宜承氣湯急下之與經筋說囊卵縮大寒在外亦
是熱在內與傷寒家同故再引平康人以證之冬天陽氣
在內陰氣在外人亦應之故寒在外則皮急皮急則囊縮
夏月陰氣在內陽氣在外人亦應之故熱在外則皮緩皮
緩則囊垂此癩疝之象也三說雖殊皆一理也用藥者宜
詳而審之已上三論各有所主兼此考訂則証陰陽寒
熱虛實之辨判然矣

△狐疝

狐疝屬厥陰

臥則入腹立則出腹偏入囊中者是也

海藏仲景療陰狐疝氣有大小時時上下者蜘蛛散主之

狐夜伏而晝見以見疝處厥陰之分即人之陰囊隱奧之所晝下而夜上故以狐疝名焉

蜘蛛十四枚

桂半錢要入厥陰取其肉厚者

右為散每服一錢蜜丸亦可雷公云凡使勿用五色者

兼大身上有刺毛生者并薄小者已上皆不堪用須用
屋西南有網身小尻大腹內有蒼黃膿者真也凡用去
頭足了研如膏投藥中用此余之方法若仲景炒焦用
全無功矣

一方治水癩偏大上下不定疼痛不止牡礪不拘多少鹽
泥固濟炭三斤煨令火盡冷取二兩乾薑一兩焙為細末
二味和勻冷水調得所塗病處小便大利即愈

針灸

內經刺灸狐疝但取足厥陰一經經云肝足厥陰之脈所
生病者狐疝是也隨其經盛虛寒熱陷下取之也

甲狐疝太衝主之 陰股內痛氣癱狐疝走上下引少腹
痛不可俛仰上下商丘主之 狐疝驚悸少氣巨缺主之

心婦人疝瘕結核疼痛發作無時日出穴夜入穴或負重
即下稍輕即止此狐疝也 天井五分 肘尖五分小壯
汗出則愈

診

氣海三寸又互換東西上下 中極三寸

耳後陷者腎下腎下則腰尻痛不可俛仰為狐疝診

產後少腹痛併見產後

閉癧遺溺 閉癧分二病 小便不通

淋 胎前淋閉 胎後淋閉

小便數 小便黃赤 遺溺

妊遺尿 產遺尿

遺尿者溺出不自知覺也閉癧者溺閉不通而淋瀝滴點
也惟肝與督脉三焦膀胱主之

肝脉督脉

肝脉督脉主之者經云肝足厥陰之脉過陰器所生病者

遺溺閉癧又云督脉者女子入繫廷孔其孔溺孔之端也
其男子循莖下至篡與女子等其生病癧痔遺溺故遺溺

閉癧皆取厥陰腧穴及督脉俞穴也

三焦弱
下焦

三焦主之者經云三焦下脉在于足太陽之前少陽之後出于膈中外廉名曰委陽足太陽絡也三焦者足太陽少陽之所將太陽之別也上踝五寸別入貫膈腸出于委陽並太陽之正入絡膀胱約下焦實則閉癃虛則遺溺遺溺則補之閉癃則瀉之是也

膀胱

膀胱主之者經云膀胱不利為癃不約為遺溺是也然遺溺閉癃不取膀胱腧穴者蓋膀胱但藏溺其出溺皆從三焦及肝督脉也

閉癃分三病

久暴閉癃合而言之病也分而言之有暴久之殊蓋閉者暴病為溺閉點滴不出俗名小便不通是也癃者久病為溺癃淋瀝點滴而出一日數十次或百次名淋病是也今分其病立為二門

小便不通

氣血之分

短小便不利在氣在血之異夫小便者足太陽膀胱所主長生於申申者西方金也金能生水金者肺也肺中伏執水不能生是絕小便之源也人法象天地膀胱之源自頭項下至於足故曰陽中之陰如渴而小便不通者肺不能降是也治法皆用清燥金之正化氣味薄之藥茯苓猪苓澤瀉琥珀燈心通草車前子瞿麥扁蓄之類皆為淡滲之藥能瀉肺火而清肺金滋水之化源也若不渴熱在下焦是絕其流而溺不泄也須用氣味俱厚陰中之陰藥治之二者之病一居上焦在氣分而必渴一居下焦在血分而不渴血中有濕故不渴也二者之殊至易分別耳

熱在氣分

清肺散治渴而小便閉或黃或澁邪熱在氣分也

茯苓二

猪苓三

澤瀉三

琥珀五

燈心二分

木通分

通草二分

車前子炒一錢

瞿麥五分

篇蓄分

桂五分

右為末每服五錢水煎熱服五苓散八正散亦宜用之

仲猪苓湯治脉浮發熱渴而小便不利方見傷寒

五苓散治煩渴飲水過多或多水入即吐心中淡淡小便

不利方見傷寒

茯苓戎鹽湯方

茯苓半斤

白木二兩

戎鹽彈丸大一枚

石三味為末白湯調下

小便不通車前子草一斤水三升煎取一升半分作三

服

熱在血分

東滋腎丸治下焦陰虛脚膝軟無力陰汗陰痿足熱不能履地不渴而小便閉者邪熱在血分也

黃栢二兩酒洗焙

知母二兩酒洗焙

肉桂二錢

內經云熱者寒之又云腎惡燥急食辛以潤之以黃栢之苦寒瀉熱補水潤燥故以為君以知母苦寒瀉腎火故以為佐肉桂辛熱寒因熱用也

右為細末熟水為丸如雞豈大每服百丸加至二百丸煎百沸湯下空心服昔長安有大賈王善夫病小便

不通漸成中滿腹大堅硬如石壅塞之極腿脚腫脹破裂出黃水雙睛凸出晝夜不得眠飲食不下苦痛不可

名狀求予治之因問受病之始知病不渴近苦嘔穢眾醫皆用治中滿利小便滲淡之藥急難措手乃辭歸從

夜至旦耿耿不寢窮究其理忽記素問有云無陽則陰無以生無陰則陽無以化又云膀胱州都之官津液藏

焉氣化則能出矣此病小便癃閉是無陰而陽氣不化者也凡利小便之藥皆淡味滲泄為陽止是氣藥陽中之陰非北方寒水陰中之陰所化者此乃奉養太過膏梁積熱損北方之陰腎水不足故膀胱腎之室久而乾涸小便不化火又逆上而為嘔噦非膈上所生也獨為關非格病也潔古老人曰熱在下焦填塞不便是治關格之法今病者內關外格之病悉具死在旦夕但治下焦可愈隨處以稟北方寒水所化大苦寒氣味俱陰者黃栢知母桂為引用九如桐子大沸湯下二百丸服藥少時須臾前陰如刀刺火燒之痛溺出如瀑泉湧出臥具皆濕床下成流顧盼之間腫脹消散予驚喜曰大哉聖人之言豈可不遍覽而執一者也其証小便閉塞而不渴時見躁者是也凡諸病居下焦皆不渴也二者之

病在氣在血最易分別

繫黃連丸治因服熱藥過小便不利諸藥莫能效者或臍下痛不可忍者

黃連炒

黃栢炒

甘草各等分

右哎咀水煎溫服食前如更不通加知母此藥助氣使氣得化則通矣

羅白花散治小便不通膀胱有熱用朴硝不以多少為細末每服二錢煎茴香湯調下食前簡要先用茴香酒調垣導氣除燥湯治小便不通乃血濕致氣不通而竅澁之症

知母三分酒洗

黃栢四錢

滑石二錢炒黃

澤瀉三分

茯苓二錢去皮

右和勻每服半兩水煎稍熱空心服如急關小便不拘

時候

斗小便不通用蚯蚓杵以冷水攄過濃服半碗立通大解熱疾不知人事欲死者服之効

渴而腹冷為水

仲小便不利者有水氣其人若渴栝蒌瞿麥丸主之

瓜蒌根兩

茯苓

薯蕷兩

附子一枚

瞿麥兩

右五味末煉蜜丸如桐子大服三九日三服不知增至七八九以小便利腹中溫謂之知

氣鬱于下微者香以散之

小便不通腹下痛狀如覆碗痛悶難忍者乃腸胃乾涸膈中氣不下故經所謂膀胱者州都之官津液藏焉氣化則能出矣故膈中者臣使之官三焦相火腎為氣海也正註曰膀胱津液之府胞內居之少腹處間毛內藏胞器若得氣海之氣施化則溲便注下氣海之氣不及則隱秘不通

故不得便利也先用木香沉香各三錢酒調下或八

甚則宜上湧之令氣通達便自通利經所謂病在下上反之以利之一方煎陳皮茯苓湯調木香沉香木服之

其者叶以提之

丹小便不通屬氣虛血虛有實熱痰氣閉塞皆宜吐之以提其氣氣升則水自降蓋氣承載其水者也氣虛用參朮升麻等先服後吐或就參芪藥中調理吐之血虛用四物湯先服後吐或就芎歸湯探吐之痰多二陳湯先服後探吐之痰氣閉塞二陳湯加香附木通探吐之實熱當利之或用八正散蓋大便動則小便自通矣

丹治一男子小便不通用吐法一吐便如注論見治虛實法病在下取之上條

無礙于下微者

仲小便不利蒲灰散滑石白魚散茯苓戎鹽湯主之蒲灰髮灰

輕劑行
本草消汚血滑石
丹溪云逐汚血

蒲灰散方

蒲灰十分恐即蒲黃粉

滑石三分

右二味杵為散飲服五分方寸七日三服

滑石白魚散方

滑石二分 亂髮二分 白魚二分衣魚也

右三味杵為散飲服五分七日三服

無髮灰散治臍下急滿小便不通用髮灰研細每用二錢

米醋一合調服一法與葵子等分為末飲服二錢訖即炒

黑豈葉蓋其上即通丹溪云髮髮補陰之功甚捷

甚者峻劑破之

本桃仁煎治婦人積血頃在毘陵有一貴宦妻妻小便不通臍腹脹痛不可忍眾醫皆作淋治如八正散之類數種

皆治不通病愈甚予診之曰此血癥也非瞑眩藥不可

予用此藥初服至日午大痛不可忍臥少頃下血塊如拳者數枚小便如黑豈汁一二升痛止得愈此藥猛烈大咳氣虛血弱者宜斟酌之

桃仁 大黃 朴硝各一兩 蜚虫半兩炒黑

右四味為末以醇醋二升半銀石器內慢火煎取一升

五合下大黃桃仁蜚虫等不住手攪良久出之丸如梧

子六前一日不晚食五更初温酒吞下五丸日午取下

如赤豈汁或如雞肝蝦蟇衣狀未下再作如見鮮血即

止續以調血氣藥補之此方出千金此方不可妄用

右四方治汚血小便不利前三方輕劑可用後一方峻

劑須認得分曉用之

虛實

丹呂仲年六十六歲病傷寒得汗熱退後脉尚洪此洪脉作虛脉論與人參黃芪白朮炙甘草當歸芍藥陳皮數日

雜方

其脉仍大未收欵又小便不通小腹下妨悶頗為所苦但仰臥則點滴而出予曰補藥服之未至前藥倍加黃芪人參大劑與服兩日小便方利

小腹痛脹如覆椀為實其法有二氣壅塞於下者用吐法以提之血汚於下者用桃仁之類以破之二方並見血氣條

世治小便悶用大田螺生去殼搗細封臍上即通 治傷

寒後小便不通用生姜八九塊杵碎水十餘椀麻布五六尺同煎數沸用桶盛至候通手以布頻熨小腹良久恰用

紅苳末一七江茶二七井花水調服神效小便如注

本治小便難小腹脹滿不急治殺人用葱白一斤細剉炒令熱以帕子裹分作兩處更替熨臍下即通

玄陰陽關格前後不通利大便小水自行中有轉胞之証諸藥不効無救則脹滿悶亂而死予曾以甘遂末水調傳

臍下內以甘草節湯飲之藥汁至臍二藥相反而平矣小水來如湧泉此救急之良法也

聖治小便難腹滿悶不急療之殺人用蒸芫一兩去苗以水一大盞煎取七分去查每于食前作兩服瘥

世治小便不通用大杏仁二十一枚研水調分作二服効杏仁紫苑利小水解肺壅鬱解則氣自降而小便去矣

壬治婦人卒不得小使用紫苑末以井花水服三撮便通小便血五撮立止

外若小便不通數病而微腫方取陳筆頭一枚燒為灰和水服之此方未詳

經云腎合膀胱膀胱者津液之府也小腸屬腎腎上連肺故將兩藏三焦者中瀆之府也水液出焉是屬膀胱乃腎之府也又云膀胱者州都之官津液藏焉氣化則能出矣

由是言之膀胱藏水三焦出水治小便不利故刺灸法但取三焦穴不取膀胱也小腸屬腎肺故東垣用清肺飲子滋腎丸利小便是也

逆氣

運氣小便不利有三

其一屬濕邪攻三焦經云太陰在泉濕淫所勝病小腹痛腫不得小便又云水不及曰涸流涸流之紀上宮與正宮同其病癃閉是也

其二屬風邪攻脾經云厥陰司天風淫所勝病澹瘕泄水閉是也

其三屬燥熱經云陽明司天之政天氣急地氣明民病癃閉初之氣其病小便黃赤甚則淋又云少陰司天之政地氣肅天氣明二之氣其病淋是也

內經刺灸小便不利法有五

針灸

其一取肝經云肝足厥陰之脈所生病者癃閉又云小腹滿身寒熱小便不利取足厥陰又云癃取陰蹻及三毛上及血絡出血是也

其二取三焦經云三焦病者腹氣滿小腹九竅不得小便窘急溢則水流即為脹候在足太陽之外大絡大絡在足太陽少陽之間亦見于脈取委陽又云小腹痛腫不得小便邪在三焦約取之太陽大絡大絡委陽視其絡脈與厥陰小絡結而血者當有取之二字是也

其三取腎絡經云足少陰之別名曰大鍾當踝後繞跟別走太陽其病實則癃閉取之所別也

其四取脾經云足太陰之脈所生病者澹瘕泄水閉視虛實寒熱陷下而施補瀉疾留灸也

其五雜取經云內閉不得洩刺足少陰太陽與髀骨上以

長針氣逆則取其太陰陽明厥陰甚則取少陰陽明動者之經也

經治小便淋瀝或有血以赤根樓葱近根截一寸許安臍中上以艾灸七壯

羅治小便淋瀝不通用鹽不以多少炒熱填滿病人臍中却用艾如筋頭大灸七壯其小便自出

內陰谷 關元 八分令病人覺淋瀝三五次 三陰交

三分 陰谷

撮小便閉數不通 陰谷 一寸五分 陰陵泉 瀉

標又法 偏歷

集小便閉不通 陰陵泉 陰谷 三陰交 氣海 關

元 灸二十壯刺二寸五分不已取下穴 太溪 陰交 氣衝 二七

東熱淋小便黃腹滿 陰陵泉 關元 各二寸 氣衝 壯

石淋不得小便 關元 壯三七 氣門 大敦 各二壯 血

氣海 丹山 各刺灸三七壯 小便熱痛目赤尿如血 列缺

沿皮 太陵 承漿 各五分 又法 曲骨 灸七壯 陰陽二

陵泉 各二寸五分

甲少腹中滿熱閉不得溺足五里取之 溺難痛白濁卒

疝少腹腫欬逆嘔吐卒陰跳腰痛不可以俛仰面黑熱腹

中膈滿身熱厥痛行間主之

癰遺溺鼠齕痛小便難而白期門主之 陰胞有寒小便

不利扶承主之

筋急身熱少腹堅腫少腹時滿小便難尻股寒髀樞痛外

引季脇內控八竅委中主之 瘰中竅主之 胸滿膨膨

然實則癢閉腋下腫虛則遺溺脚急兢兢然筋急痛不得

大小便腰痛引腹不得俛仰委陽主之 小腹脹急小便

不利厥氣上頭顛滿谷主之 勞痺小便赤難前谷主之
氣瘕溺黃關元及陰陵泉主之 千金云寒熱不節 腎病不可俛仰 氣
瘕小便黃氣虛則遺溺石門主之 小便難竅中熱實則
腹皮痛虛則痒瘰會陰主之

△瘕即淋病 七紙

血受傷 若補血

丹朱郎小便淋痛脉左大右濇此為勞傷經血勿作淋治
可補血行肝經滯血自愈

生地

當歸

赤芍

各一錢

川芎

三分

條芩

三分

甘稍

三分

陳皮

五分

木通

五分

黃柏

二分

紅花

大芎

杜牛膝

一錢

右桃仁泥研滑石同煎待淋病去退滑石桃仁杜牛膝
木通入川牛膝代木通分兩倍之

金華申明叔年踰七十因壯年踏冷患腎氣疝痛常食蒼

木烏附等藥二十餘年疝氣少止却患小便淋痛又十三
年其間又服朴硝大黃治諸淋之藥百方俱試並無一效
至是年春頸項帶右邊發一疽延及缺盆可尺許不能食
淋痛愈加必須叫號其瘡淫潰膿血淋漓精神困憊時正
六月診其脉兩手濇短左微是弦狀輕重皆逆五至予謂
此瘡皆前烏附等藥積毒所發此淋亦因燥烈之藥凝積
帶血滿膀胱况濇脉為敗血短脉為血耗遂令於溺後視
之有物出如敗膿者否視之果然因思之忍痛則傷血叫
則傷氣遂先治淋令取杜牛膝根莖葉同煎取濃汁却煎
四物湯作大料與服三日後痛漸減前所謂敗膿者至是
漸少五七日淋病全安此時瘡亦定蓋四物能生血也但
飲食減少瘡未收斂耳遂用參芪當歸白朮四藥大劑於
瓦器熬為膏以陳皮半夏縮砂木香煎取清汁調膏藥飲

遂能食又一月而瘡安 一方名血餘散治血淋肉崩吐血舌上出血便血用亂髮以皂角水洗淨晒乾燒灰爲末每服二錢以茅根車前葉煎湯調下

士治五種淋用苧蔴根兩莖打碎水一椀半煎半碗頓服即通太妙丹溪云苧蔴根補陰行滯血

博治五淋赤芍藥一兩檳榔一箇麩裏煨爲末每一錢七水一盞煎至七分空心服

氣虛者兼補氣

氣虛淋八物湯加杜牛膝黃芩汁煎服老人氣虛亦能淋

參水中加水通山梔

仁八姪淋病脉沉而大此主勞苦傷血下焦蘊結

人參

歸尾

白芍

香附五錢

條芩

水通三錢

山梔炒三錢半

黃芪五分

生甘草稍五分

分六帖杜牛膝湯兩盞煎取一盞食前熱飲之

胡雲六朝奉七十餘因擲後悞與荊芥大黃等藥傷正氣以致惡血結聚今則小便如淋中滯食少以此治之

生芪三錢

人參二錢

歸頭

白朮

陳皮一錢

作一帖煎服

又生氣藥

縮砂三錢

海金砂

紅麴二錢

檀香二錢

木香

白芷一錢

丁香一錢

分六帖研菘仁十四枚入生氣散

死血作淋牛膝膏妙但虛人能損胃不宜食

雜方

本治婦人諸般淋苦杖根俗呼杜牛膝多取洗淨碎之一合用水五盞煎至一盞去渣入麝香乳香少許研調下

鄞縣武尉耿夢得其內人患砂石淋者十三年矣每漩痛楚不可忍溺器中小便下砂石剥剥有聲百方不效偶有此方啜之一夕而愈目所見也

耳
不用牛膝以酒煮服治小便淋痛肘後方用牛膝根莖葉亦以酒煮服治小便不利莖中痛欲死及治婦人血結堅痛如神蓋牛膝治淋之聖藥也但虛人當用補劑監治之

世茄樹散治放尿有血帶血線童子小便煎茄樹根汁服之効

羅琥珀散治五淋瀝澀痛小便有膿血出
琥珀研 海金砂研 沒藥研 蒲黃各一兩研

右研為細末每服三錢食前煎甘草根湯調下日三服黃明之小便澀莖中痛不可忍相引脇下痛制以茯苓琥

珀湯主之

川練子去核剉炒

甘草生各一錢

人參五分

玄胡索七分

茯苓四分

琥珀

澤瀉

歸稍

柴胡各三分

右咬咀都作一服長流水三盞煎至一盞去渣溫服空心食前數服大効

瑞治諸般砂石淋琥珀二錢研細空心用葱白頭濃煎湯

調下無問諸般淋證一二服立効丹溪云琥珀古今方用者反受其滲急之苦耳本草琥珀消汚血極驗

無鹿角霜丸治膏淋

鹿角霜

白茯苓

秋石各一分

右為末糊丸如桐子大每服五十九米飲下

圖治石淋導水用螻蛄一枚鹽二兩同于新瓦上鋪蓋焙

實熱

乾研末温酒調下一錢七服之即愈

靈死治五種淋疾氣淋熱淋勞淋石淋及小便不通至甚者透膈散用硝石一兩不夾泥土雪白者研為末每服二錢諸淋各依湯使如勞倦虛損小便不出小腹急痛葵子煎湯下通後更須服補虛丸散血淋小便不出時下血疼痛並用冷水調下氣淋小腹滿急尿後常有餘瀝木通煎湯下石淋莖內痛尿不能出內引小腹膨脹急痛尿下砂石令人悶絕將藥末先入銚子內隔紙炒至紙焦為度再研令細用温水調下小便不通小麥湯下卒患諸淋並以冷水調下並空心先調使藥消散如水即服之更以湯使送下服藥未効者服此立愈

子和百亭劉十三之子年六歲病砂石淋戴人以苦劑三漏之以益腎散三下之立愈 鹿邑一閥閻之家有子二

十三歲病膏淋三年矣鄉中醫不能治往京師偏訪多作虛損補以温燥灼以針艾無少減聞戴人僑居憑東見戴人曰感蠱之疾也亦曰白淫實由少腹熱非虛也可以涌以泄其人以時暑憚其法峻不決者三日浮屠一僧曰予亦有暑病近覺頭痛戴人曰亦可涌願與君同之毋畏之于是涌痰三升色如黑罌汁內有死血并黃綠水又瀉積穢數行尋覺病去方其來時面無人色及治畢次日面如醉戴人慮其暑月路遠又處數方便歸以自備云 屈村張氏小兒年十四歲病約一年半矣得之夏秋發則小便大痛至握其峻跳躍旋轉號呼不已小便數日不得下下則成砂石大便秘澁肛門脫出一二寸諸醫不能治求治于戴人戴人曰今日治今日効時日在辰巳間矣以認胃承氣僅一兩加牽牛頭末二錢汲河水煎之令作三五度

咽之。又服苦末丸如芥子許六十九日。加脯上涌下泄。一時齊出。有膿有血。涌泄既覺定。令飲新汲水一大盞。小洩已利。一二次矣。是夜凡飲新水二三十遍。病去九分。止哭一次。明日困卧如醉。自晨至暮。猛然起走索食于母。歌笑自得。頓釋所苦。繼以太白散八正散等調理。一日大瘥。恐暑天失所養。留五日而歸。戴人曰。此下焦約也不吐不下。則下焦何以開。不令飲水。則小便何以利。大抵源清則流清也。苦末丸未詳考。

丹諸淋皆屬於熱。余每用黃柏滋腎丸。每百丸用四物湯加甘草稍杜牛膝木通桃仁滑石木香煎湯。空心吞服。兼灸三陰交。如鼓應桴。累試累效者。

保淋濁者。涼膈散加滑石四兩。茯苓一兩。涼膈散方見治發熱。羅石菴散治腎氣不足。膀胱有熱。水道不通。淋漓清。不宜出。

少起數臍腹急痛。或尿如薑汁。或便出砂石。並皆治之。

木通 石葦 滑石各二兩 炙甘草

王不留行 當歸各一兩 白朮 瞿麥

芍藥 葵子各二兩

右為細末。每服二錢。小麥粥湯調下。空心服。一方加沉香陳皮。無滑石。瞿麥。白朮。木通。

本治心經熱。小便澀。及治五淋。火府丹。

生地 木通 黃芩 甘草

右為細末。煉蜜杵丸。如桐子大。每服二十粒。木通煎湯下。此藥治淋澀。臍下滿痛。

右二方解熱利小便。兼補之劑。

無石燕丸。治石淋。多因憂鬱氣注下焦。結所食醎氣而成。令人小便砂痛。不可忍。出砂石而後小便通。

石燕燒令通赤水中燂三次搗研水飛焙乾

滑石

石葦去瞿麥穗各一兩

右為末糊九桐子大煎瞿麥燈心湯下十九食前服口

二三

羅海金沙散治小便淋澁及下焦濕熱氣不施化或五種

淋疾癢閉不通

海金沙研木通 瞿麥穗 滑石

通草各半杏仁湯洗去皮尖

右為細末入燈心同煎空心服

八正散治小便赤澁或淋閉不通及熱淋並宜服之

大黃麩裏木通 瞿麥 滑石

蒲蓄 車前子 山梔仁 甘草各九分

右為末入燈心同煎小兒少少與之

紫葵花散治小便淋澁經驗葵花根一味洗淨剉水煎

七沸服之立効味甘

世葛粉丸治男女淋病疼痛効速勿輕忽之

沙糖本草云治心葛粉

和丸如桐子大井花水化開一二丸

治血石淋楊樹蛙脣烏梅一大棗三水一盞煎服

靈苑治卒患諸淋遺澁不止小腸赤澁疼痛三葉酸漿草

人家園林亭檻中着地開黃花味酸者是取嫩者淨洗研

絞自然汁一合用酒一合攪勻空心服之立通三葉酸漿草即布谷

飯詳見

無律草汁治膏淋及尿血律草搗汁二升醋二合和空腹

服一盞又濃煮汁飲亦治淋瀝尿血律草俗名辣毋艸又

之上有

胞痺似
淋屬寒

胞移熱于膀胱則癃溺血全文見診病傳變

難痺論云胞痺者小腹膀胱按之內痛若沃以湯溢于小便上為清涕夫膀胱為州都之官津液藏焉氣化則能出

矣今風寒濕邪氣客于胞中則氣不能化出故胞滿而水道不通其小腹膀胱按之內痛若沃以湯溢於小便以足

太陽經其直行者上交巔入絡腦下灌鼻竅則為清涕也

治胞痺小便不通腎着湯千金方

赤茯苓去皮 白朮各四兩 甘草炙三兩 乾薑炮一兩

右為末每服五錢水二盞煎至一盞去渣溫服日三

茯苓丸治胞脾小便內痛

赤茯苓 防風 細辛 白朮

澤瀉 官桂各半兩 瓜蒌根 紫苑

附子 黃芪 芍藥 甘草炙各二分

生地 牛膝酒浸 山芋 獨活

半夏湯浸 山茱萸各一分

右十八味為細末煉蜜丸如桐子大每服十九溫酒送

下食前

巴戟丸治胞脾臍腹痛小便不利

巴戟去心一兩半 桑螵蛸炒 遠志去心

生地 山芋 附子炮 續斷各一兩

肉苁蓉酒浸各一兩 杜仲炙 石斛

鹿茸酥炙 龍骨 兔絲子 五味子

山茱萸 官桂各三錢

右十六味為細末煉蜜丸如桐子大溫酒下三十九空

心食前

腎瀝湯治胞痺小腹急小便不利

桑白皮炒

犀角屑

杜仲炙去絲

五加皮

麥門冬

木通

桔梗各一兩

赤芍藥五錢

右八味為麤末每服五錢水一盞半羊腎一箇切竹瀝少許同煎去渣溫服

諸淋皆屬於熱古方有冷淋蓋十百之一也今因胞痺屬

風寒濕故主寒條

雜方

無暝眩膏治諸淋疼痛不可忍受及砂石淋大蘿蔔切一指厚四五片好白蜜渣少時安淨鉄罐上慢火炙乾又蘸又炙盡蜜二兩番覆炙令香軟不可焦候蜜盡細嚼以鹽湯一盞送下立効

聖治冷淋小腸不利莖中急痛用斛葉搗末每服一錢水

一盞葱白七寸煎六分去渣食前溫服

雀療石淋便中有石子者胡桃肉一升細米煮漿粥一升

相和頓服即瘥熱

運氣小便淋氣及針灸淋闕法並見小便淋闕門

仲淋家不可發汗發汗則便血淋之為病小便如粟狀

小腹弦急痛引臍中

腎脉滑實為癃瘕痺脉滑甚為癃瘕全文見治虛實法

脉少陰脉數婦人則陰中生瘡男子則氣淋

素病有癃者一日數十溲此不足也身熱如炭頸膺如格

人迎躁盛喘息氣逆此有餘也太陰脉細微如髮者此不

足也其病安在名為何病岐伯曰病在太陰其盛在胃頗

在肺病名曰厥死不治奇病論○癃病脉細不治

△胎前淋闕

丹轉胞病胎婦稟受弱者憂悶多者性急躁者食味厚者大率有之古方皆用滑利疎導藥鮮有應効因思胞為胎

虛

診

病禁

所壓展在一邊胞系了矣不通耳胎若舉起懸在中央胞系得踈水道自行然胎之墜下必有其由一日吳宅寵人患此脉之兩手似瀋重取則弦左手稍和予曰此得之憂患瀋爲血少氣多弦爲有飲血少則胞弱而不能自舉氣多有飲中焦不清而溢則胞知所避而就下故喜墜遂以四物湯加參朮半夏陳皮生甘草生薑空心飲隨以指探喉中吐出藥汁候少頃氣定又與一貼次日亦然如是八貼而安此法果爲的確恐偶中耳後有數人歷歷有效未知果何如耶仲景云婦人本肌盛頭舉身滿今反羸瘦頭舉中空減胞系了矣亦致胞轉其義未詳必有能知之者一婦人四十一歲妊娠九箇月轉胞小便不出三日矣下急脚腫不堪存活來告急予往視之見其形極之右瀋而左稍和此飽食而氣傷胎系弱不能自舉而墜壓着膀胱偏在一邊氣急爲其所閉所以水瀋不能出也轉胞之病大率如此予遂製一方補血養氣血氣既正胎系自舉則不下墜方有安之理遂作人參當歸身尾白芍藥白朮帶白陳皮炙甘草半夏生薑煎湯濃與四貼任其叫噉至次早天明又與四貼藥查作一貼煎令頓飲之探喉令吐出此藥湯小便立通皆黑水後就此方加大腹皮枳殼青葱葉縮砂仁二十貼與之以防產前後之虛果得就蓐平安產後亦健一婦人妊娠七八箇月患小便不通百醫不能利轉加急脹診其脉細弱予意其血氣虛弱不然水載其胎故胎重墜下壓住膀胱下口因此溺不得出若服補藥升扶胎起則自下藥力未至愈加急滿遂令一老婦用香油塗手自產門入托起其胎溺出如注脹急頓解一面却以人參黃芪升麻大劑煮服或少有急滿仍用

熱

手托放取溺如此三日後胎漸起小便如故
仲問曰婦人病飲食如故煩熱不得臥而反倚息者何也
師曰此名轉胞不得溺也以胞系了戾故致此病但利小
便則愈宜腎氣丸主之即八味丸方見治法酒下
十五丸至二十九日再服
產療小便不通及胞轉桑螵蛸搗末米飲服方寸七日三
仲妊娠有水氣重身小便不利洒淅惡寒起即頭眩葵子
茯苓散主之

葵子

茯苓各三兩

右二味杵為散飲服方寸七日三服小便利則愈

妊娠小便難飲食如故歸母苦參丸主之

當歸

貝母

苦參各四兩

右三味末煉蜜丸如小豆大飲服三丸加至十九男子加滑

石半兩

外治妊娠患子淋猪苓五兩一味為末以白湯三合服
寸七漸至二七日二夜一

肺氣鬱

大治妊娠卒不得小便杏仁一味去皮尖搗丸如大棗
燈心湯吞七粒立利

丹朱宅婦人三十餘歲四箇月胎大小便閉因與通利冬
葵子等藥已通但氣未順此由性急血耗氣亂須和其氣
滋其血乃安

陳皮

青皮

芍藥錢一

人參

歸身尾

川芎

地黃

白朮半兩

茯苓

木通

甘草二分

針灸
甲小腸難水脹滿溺出少胞轉不得溺曲骨主之 胞轉
不得小便小腹滿關元主之

△產後淋閉

汚血

無治產前後淋其法不同產前當安胎產後當去血瞿麥蒲黃最為產後要藥

茅根湯治產後諸淋主之

白茅根八兩

瞿麥

葵子二兩

白茯苓各四兩

人參二兩

蒲黃

桃膠

滑石

甘草各一兩

紫貝十箇

石首魚枕石煨

右剉為散每服四錢水一盞半薑三片燈心二十莖煎

至七分去查溫服亦可為末木通煎湯調下

大療產後小便不通用陳皮去白為末空心服酒調二錢

一服便通

治產後小便不通腹脹如鼓悶亂不醒用鹽填臍中却以

葱白剝去粗皮十餘根作一縛切作一指厚安鹽上以

艾炷滿餅上以火灸之覺執氣入腹內即時便通

○小便數

數而少為實

羅中書右丞相刺合孫病小便數而短晝夜約二十餘行

臍腸填滿腰脚沉痾不得安臥季春下旬一日奉勅治之

遂往診視脉得沉緩時時帶數常記小便不利有三不可

槩論若津液偏滲於腸胃大便泄瀉而小便澁少者一也

宜利而已若熱搏下焦津液則濕熱不能行者二也必參

瀉則愈若脾胃氣澁不能通調水道下輸膀胱而化者三

也可順氣令施化而出今右丞平素膏梁濕熱內蓄不得

施行膀胱竅澁是以起頻而見少也非滲泄分利則不能

快利遂處一方名曰茯苓琥珀湯內經曰甘緩而淡滲熱

搏津液內蓄臍腹脹滿當須緩之泄之必以甘淡為主遂

以茯苓為君甘寒滑以利竅澁猪苓琥珀之淡以滲泄利

水道故以二味為臣脾惡濕濕氣內蓄則脾氣不舒益脾

勝濕必以甘為助故以甘草白朮為佐鹹入腎鹹味湧泄
為陰故用澤瀉之鹹以泄伏水腎惡燥急食辛以潤之津
液不行以辛散之桂枝味辛散濕潤燥故以為便煎長流
甘爛水使不助其腎氣大作湯劑令直達于下而急速也
兩服減半旬日良愈

茯苓琥珀湯

茯苓

白朮

琥珀各半兩

甘草炙

桂去皮各三錢

澤瀉兩

滑石七錢

猪苓兩

右為細末每服五錢煎長流甘爛水一盞調下空心食
前待少時以美膳厭之

數而多為虛

食主下焦虛冷小便數損無力生薯蕷半斤刮去皮以刀
切碎于鍋中煮酒沸下薯蕷不得攪待熟加鹽葱白酒添
酒空腹下二三盞妙

蓮水芝丸治上焦真氣虛弱小便頻數日夜無度

蓮肉

去皮不以多少用酒浸一兩宿備肚一筒

切焙

右為細末酒煮麪為丸如芡實大每服五十九丸米飲湯
下食前

虛寒

世治夜少小便用益智二十四箇為末鹽五分水一盞煎
八分臨臥溫服

本衛真湯治丈夫婦人元氣衰憊榮衛怯弱真陽不固三

焦不和上盛下虛夜夢鬼交覺來盜汗面無精光唇口舌

燥耳內蟬鳴腰痛背倦心氣虛乏精神不寧驚悸健忘飲

食無味日漸瘦悴外腎濕痒夜多小便腫重冷痛牽引小

腹足膝緩弱行步艱難婦人血海久冷經候不調或過期

不至或一月兩來赤白帶下漏分五色子宮感寒久不成

孕並皆治之此藥大能生氣血遇夜半子時腎水旺極之際補腎實臟男子攝血化精諸病未萌之前皆能制治使不復為梗

當歸一兩酒一宿

人參一兩半

金釵石斛五兩

白茯苓

木香

肉苳蔻

山藥已上各二兩

生地二兩

熟地溫水洗三兩

丁香一兩

青皮去白兩

川牛膝二兩童便酒各半盞浸一宿

右為細末每三大盞酒調下鹽亦得空心食前一服婦人諸病童便同酒調空心下

又方治男子婦人一切虛冷之疾活血駐顏減小便除盜汗治婦人久不生產似帶疾而非時有遺瀝並皆治之功驗不可具述

蒼朮切

川煉子

茴香

吳茱萸易洗

破故布

胡蘆蘆已上各一兩並炒

川姜

川烏

草烏已上各半兩炮

山藥二兩

右各炮治如法同為細末醋糊為丸如桐子大每服十五丸空心溫酒鹽湯任下婦人艾醋湯下日二服耳目永不昏聩髮白

衍隣家有一男子小便日數十次如稠米泔色心神恍惚瘦瘁食減今服桑螵蛸散末終一劑而安此藥能安神魂定心志治健忘小便數補心氣用桑螵蛸遠志菖蒲龍骨人參茯苓當歸龜甲醋炙已上各一兩為末以人參湯調下二錢

海薑附石脂神砂丹治小便數而不禁怔忡多忘方見下丹因看盧氏醫鏡見此一藥味數分兩同惟丹砂用伏火者及治病有差所治者小便數而不禁怔忡多忘驚夢不

已不同耳見其不同審而詳之乃得此治法不差且泛論之經言腎主大便肝主小便淋洩難經云小腸為赤腸是面赤色及便溺色赤皆出心與小腸南方赤色顯於外也經言下焦如瀆者正謂大小便也大便為陰為有形氣化乃下焦之下者也謂腎主大便不言大腸者明子行父道為腎臟病小便為陽為無形氣化乃下焦之高者也謂肝主小便淋洩亦是子行父道為腑病凡諸無形氣化者皆腑病所主諸有形氣化者皆臟病所主此二証俱在下焦則同但有形無形及在腑在臟有殊俱是丹田衰敗不言心火者以其相火代行君之政令故也細分之則膀胱壬水勝丙火小腸者不傳入陰故為泄血泄血利不禁為有形質病且不傳陰則陰不病何為有形病此為陰之體也為腑之用也天地陰陽互為體用以斯可見是明五臟者

為六腑所用六腑者為五臟所用明矣是有形皆為傳陰也大小便不禁是膀胱不禁為遺溺此不傳陰也是丹田胞絡受寒為壬所克大抵諸腑皆乘有形有病者皆在腑責其所乘皆在臟也用伏火丹砂者去其寒性耳治法同者以其俱在下集補諸無形同在胞絡耳以其胞與腎相對有渠相通故也腎主大便肝主小便所治安得不殊經曰腎肝同歸一治又曰少陽主骨所生病便洩難膀胱主筋所生病亦可知也小便不禁茯苓湯下大便不禁米飲下此論尋方姜附神砂丹而發運氣小便數皆屬少經云少陽之復便數憎風是也小便數惟二藏有之

運氣

數而又屬肺

一屬肺經云肺手太陰之脈氣盛有餘則有骨痛風寒汗出中風小便數而欠是也以刺言之瀉手太陰則愈

針灸

夜以多
驚展肝

針灸

一屬肝經云足厥陰之瘧令人如瘡狀而小便不利又云
肝痺者夜卧則驚多飲數小便是也視虛實補瀉之則愈

東小便數腹痛

尿胞在玉泉下一寸屈骨端

玉小便多

命門隨年壯炎

腎俞

分沿皮向外六分補六乎為一取

集小便滑數

中極炎

腎輸

陰陵泉下穴取

氣海

陰谷 三陰交

○溺赤

熱

諸病水液渾濁皆屬於熱全文見診

小便黃者小腹中有熱

也全文見水種

小便黃無如黃柏知母効

脈濡

脈尺瀦足脛逆冷小便赤宜服附子四逆湯足太衝補之

臟腑

臟腑小便黃有四

一屬肝熱經云肝熱病者小便先黃是也

二屬胃實經云胃足陽明之脈氣盛則身已前皆熱其

餘於胃則消穀善饑溺色黃是也

三屬肝虛經云肺手太陰之脈氣虛則有背痛寒少氣不

足以息溺色變故耳

四屬腎虛經云冬脈者腎脈也冬脈不及則令人眇清脊

痛小便變是也

運氣

運氣小便黃有二

一屬風經云厥陰之勝祛脇氣并化而為熱小便黃赤是

也

二屬熱經云少陰司天熱淫所勝病溺色變又云少陽之

勝溺赤善驚又云陽明司天燥氣下臨暴熱至乃暑陽氣

鬱發小便變是也蓋暴熱謂地氣少陰之熱也

邪之所在皆為不足中氣不足溲便為之變補足外踝下

針灸

留之全文見刺虛實法

甲小腸有熱溺赤黃中營主之 溺黃下廉主之 小便黃赤完骨主之 小便黃腸鳴相追逐上廉主之

遺溺

上虛 補氣

垣小便遺失者肺金虛也宜安臥養氣禁勞役以黃芪人參之類補之不愈當責有熱加黃栢生地

甲乙云肺脈則少氣不足以息

卒遺失無度

下虛 脫

下虛謂膀胱下焦虛經云水泉不止者是膀胱不藏也仲景云下焦竭則遺溺失便其氣不能自禁制不須治又則愈又云下焦不歸則遺溺世用桑螵蛸雞脬之類是也

丹治遺溺桑螵蛸酒炒為末薑湯送下二錢妙
無鷄內金散治溺床失禁鷄脬一具并腸洗淨燒為灰男用雌女用雄即是鷄肫內黃皮研為末每服二錢酒飲調服妙 又方用羊肚系盛水滿線縛兩頭煮熟取中水

頓服之瘥

山大人遺溺不知薔薇根細研酒下

虛寒

丹鹿茸丸治久虛冷小便自濁滑數不禁

鹿茸

椒紅

桂

附子

牡蠣

石斛

補骨脂

肉蓯蓉

鷄脬脰

沉香各一兩

桑螵蛸三分

右為末酒糊丸桐子大食前酒下三十九此方因沉香溪取之

汚血

又云鹿角屑炒黃為末温酒下二錢妙本草云鹿角逐陰

中邪氣惡血鹿茸丸方見虛條

寒熱 結

河熱甚客於腎部手足厥陰之經延孔鬱結極甚而氣血不能宣通則痿痺神無所用故津液滲入膀胱而旋溺遺失不能收禁也經曰目得血而能視耳得血而能聽手指

得血而能攝掌得血而能握足得血而能走職得血而能液腑得血而能氣然血所通流則氣亦然也氣血先行則其中神自清和而應機能為用矣故經曰血氣者人之神不可不謹養也故諸所運動時習之則氣血通利而能為用閉塞之則氣血行微而其道不得通利故劣弱也若病熱極其則鬱結而氣血不能宣通神無所用而不遂其機隨其鬱結之微甚而有不用之大小焉是故目鬱則不能視色耳鬱則不能聽聲鼻鬱則不能聞香臭舌鬱則不能知味至如筋痿骨痺諸所出不能為用皆鬱結之所致也

丹千金翼白薇散治尿出不知時

白薇 本草云氣大寒

白芍藥 各等分

右為末温酒調下方寸七日三服食前

嘗治一男子遺溺不覺脉洪大盛以黃柏知母杜生

為君青皮甘草為臣木香為佐桂些少及佐服數貼大効此法與前白薇散皆河間所謂熱甚廷孔鬱結神無所用不能收禁之意也

世神芎導水丸治遺尿有實熱者每百丸空心白湯下若

一服利止後服 前法河間所謂廷孔鬱結不能收禁此所謂淫氣遺溺痺聚在腎痺謂氣血不通宜也

無茯苓丸治心腎俱虛神志不守小便淋瀝不禁及遺泄

白濁

赤茯苓 白茯苓

右為末以新汲水接洗澄去新沫控乾別取地黃汁同好酒銀石器內熬成膏搜和為丸如桐子大空心熱酒嚼下

世用薏苡仁鹽炒煎服効 方見小兒

雜方

本燕蓍草主眠中遺溺不覺燒令黑研水進方寸七亦主
噦氣即燕窠中草也

膀胱欬者欬而遺溺全文見欬

針灸

針灸遺溺法有四

其一取肝其二取督脉其三取三焦並見遺溺閉癃門其
四取肺經云手太陰之别名曰列缺其病虛則欠欬小便
遺數取之去腕一寸別走陽明者是也

東遺尿失禁

陰陵泉

陽陵泉

二寸半

大敦

又方

曲骨

陰陽

一

陵泉

各二寸半

甲遺溺關門及神門委中主之

氣癃小便黃氣滿虛則

遺溺石門主之

肝脉微滑為遺溺全文見治法

妊娠遺尿

大白薇散治妊娠不知尿出時方見前熱條

產後一味桑螵蛸散治妊娠小便數不禁方見前下虛條

用鷄尾毛燒灰末酒調方寸七

產遺尿

無婦人產蓍產理不順致傷膀胱遺尿無時

丹嘗見尿胞因收生者不謹以致破損而得淋瀝病遂為

廢疾一日有徐婦年壯難產得此因思肌肉破傷在外者

宜可補完胞雖在腹恐亦可治遂診其脉虛甚予曰難產

之由多是氣虛產後血氣尤虛試與峻補因以參芪為君

芩歸為臣桃仁陳皮黃芪茯苓為佐煎以猪羊胞中湯極

饑時飲之但劑小率用一兩至一月而安蓋令氣血驟長

其胞自完恐稍緩亦難成功矣

喬町婦人產後尿不禁面微浮畧發熱于午後此膀胱為

虛

虛

言

坐婆所傷

黃芪

歸身尾

芍藥各一錢半

白朮一錢

人參

陳皮五分

甘草三分

右煎熱飲之

洗脫

雲桑螵蛸散治產後小便數及遺尿

桑螵蛸三十箇炒

鹿茸炒

黃芪各三兩

牡蠣煨

人參

赤石脂

厚朴各二兩

右為細末空心米飲調下三錢七

又方

桑螵蛸半兩炒

龍骨一兩

右為細末米飲調下二錢空心

前陰諸疾

陰縮陰縱

陰痿陰汗

陰冷陰痒

陰臭陰腫

陰痛陰吹

前陰諸疾前陰所過之脉有二一曰肝脉二曰督脉經云脉足厥陰之脉入毛中過陰器抵少腹是肝脉所過也又云督脉者起於少腹以下骨中央女子入繫庭孔循陰器男子循莖下至篡與女子等是督脉所過也

陰縮陰縱

寒熱

陰縮謂前陰受寒入腹內也陰縱謂前陰受熱挺長不收也經曰足厥陰之筋傷於寒則陰縮入傷於熱則縱挺不收治在行水清陰氣是也

丹鮑兄二子餘歲玉莖挺長腫而痠皮塌常潤磨股不能行兩脇氣上手足倦弱先以小柴胡加黃連大劑行其濕熱畧加黃柏降其逆上之氣其挺腫漸收漸減及半但莖中有堅塊未消遂以青皮一味為君佐以散風之劑末服外以絲瓜汁調五倍子末傅而愈 平江王氏子年三十

歲忽陰挺長腫而痛脉數而實用朴硝荆芥湯浸洗又用三一承氣湯大下之愈

針灸

內經刺灸前陰挺長之法有一經云足厥陰之别名曰蠡溝去內踝五寸別走少陽其病實則挺長取之所別是也

診

明堂陰卵入腹 臍下六寸兩旁各一十六分灸二七壯內經診陰縮而死者皆屬肝傷經云肝悲哀動中則傷魂魂傷則狂妄不精不精則不正當陰縮而攣筋兩脇骨不舉毛悴色夭死于秋又云厥陰終者喜溺舌卷卵上縮是也

陰痿陰汗陰冷陰臭

陰痿

陰痿皆耗散過度傷于肝筋所致經云足厥陰之經其病傷于內則不起是也

陰汗

垣陰痿陰汗臊臭論○一富者前陰間嘗聞臊臭又因連

熱

日飲酒腹中不和求子治之子應之曰夫前陰者足厥陰之脈絡陰器出其挺水臭者心之所走散入于五方為臭入肝為臊臭此其一也當于肝經中瀉行間是治其本後於心經中瀉少衝以治其標如惡針當用藥除之治法當求其本連日飲酒夫酒者氣味俱能生濕熱是風濕熱合於下焦為邪故經云下焦如瀆又云下者引而竭之酒者是濕熱之水亦宜決前陰以去之是合下焦二法治之

土濕制
腎治法

龍膽瀉肝湯治陰部時復濕痒有臊臭

柴胡稍

澤瀉各一錢

車前子

木通各五分

當歸稍

龍膽草

生地各三分

右剉如麻荳大作一服水三大盞煎至一盞去查稍熱服空心宿食消盡服便以美饌壓之柴胡入肝為引用澤瀉車前子木通其淡滲之味利小便亦除臊臭是名

在下者引而竭之生地黃草龍膽之苦寒瀉酒濕熱更
兼車前子之類以徹肝中邪氣肝主血用當歸以滋肝
中血不足也

固真陽治兩丸冷前陰痿弱陰汗如水小便後有餘滴臊
氣尻翳并前陰冷惡寒而喜熱膝亦冷正月內定此方

升麻

柴胡

羌活各一分

甘草炙

澤瀉各半

草龍膽炒

知母炒

黃柏各二

右剉如麻荳大水三盞煎至一盞去查稍熱空腹服以
美饀壓之

溫腎湯治面色痿黃身黃脚軟弱無力陰汗陰莖有天色
二月定此方

麻黃分六

防風根一分

白朮錢一

蒼朮錢一

澤瀉紅

猪苓

升麻

白茯苓

黃柏酒各一錢

柴胡稍分六

右件分作二服每服水二大盞煎至一盞去查稍熱服
食前天晴明服之候一特辰許方食

補肝湯治前陰如水冷并冷汗兩脚痿弱無力

黃芪分七

人參

葛根絡二

甘草炙五

升麻分四

知母

柴胡

羌活

陳皮

歸身

黃柏炒

防風

白茯苓

澤瀉各二分

蒼朮分五

麴朮分二

猪苓分四

連翹分二

右咬咀水二大盞煎至一盞去查稍熱服食前忌酒濕
麪

清震湯治溺黃臊臭淋瀝兩丸如水陰汗浸兩股陰頭亦
冷正值十二月天寒凜冽霜雪交集寒之極矣

升麻分五

柴胡分二

羌活分一

黃柏酒一分

蒼朮分五

防風分三

甘草分二

藁本分三

紅花分一

歸身分二

猪苓分三

澤瀉

黃芩分五

麻黃根分一

右剉如麻苳大都作一服水二大盞煎至一盞去查臨臥服忌酒濕麵

柴胡勝濕湯治兩外腎冷兩髀樞陰汗前陰痿弱陰囊濕痒燥氣

澤瀉半一錢

羌活半一錢

升麻半一錢

生甘草

柴胡絡三錢

草龍膽錢三

黃柏酒二錢

紅花許少

當歸稍

麻黃

漢防已

茯苓絡一

五味子二十箇

右咬咀水三大盞煎至一盞去查稍熱服食前忌酒濕

麩房事

垣仲景八味丸治陽事多痿不振今依全方夏減桂附一

半春秋三停減一

疾去精足全減桂附只依六味也黃九〇八味方見治法

腎脉大甚為陰痿全文見診

運氣陰痿皆屬濕土制腎經云太陰司天濕氣下臨腎氣

上從陰痿氣衰而不舉是也

椒粉散治前陰兩丸濕痒秋冬尤甚冬月減

麻黃錢一

黑狗脊分五

斑貓箇二

猪苓分三

肉桂分二

歸稍分三

輕粉許少

紅花許少

蛇床子分五

小椒分三

右為極細末參上避風寒濕冷處坐臥

丹腎囊濕痒先以吳茱萸煎湯洗之後用吳茱萸半兩寒

水石三錢黃柏二錢半獐獮蛇床子各半兩輕粉一錢白

雜方

運氣

礬三錢硫黃二錢煨榔三錢白芷三錢為末糝之
干有人陰冷漸漸冷氣入陰囊腫滿恐死日夜痛悶不得
眠取生椒擇之洗淨以布帛裹着丸囊令厚半寸須臾熱
氣大通日再易之取出瘡
本曾有人陰冷漸次冷氣入陰囊腫滿晝夜疼悶不得眠
煮大薊汁服立瘥

針灸

內經針灸陰暴痒痛足厥陰之别名曰蠶溝上內踝五寸
是也全文見針灸門

撮陰痿 關元補 陰濕 陰谷寸半

恠穴陰中濕痒外腎生瘡 海底在脬囊底十字文縫中灸屬二十七壯

獨陰在足第二指節下橫文灸屬二十七壯

陰冷陰腫陰痛陰吹

溪婦人陰腫腎痛枳實半斤切碎炒熱布裹包熨之冷即

易錄

交接勞復陰卵痛是勞復陰陽易

仲胃氣下泄陰吹而正喧此穀氣之實也膏髮煎導之方

疝黃

針灸

繫男子陰頭痛女子陰中痛 大敦

集陰莖虛痛 中極 太溪 三陰交 復溜不已取血

郄 陰陵泉 關元 海匡

甲婦人陰中痛少腹堅急痛陰陵泉主之 女子陰中寒

歸來主之

筋 轉筋 霍亂轉筋

經筋診法

靈足太陽之筋起於足小指上結於踝邪上結于脉其下
循足外側結于踵上循跟結于脛其別者結于膝外上脛
中內廉與膕中并上結于髻上挾脊上項其支者別入結

于舌本其直者結于枕骨上頭下頰結于鼻其支者為目
 上綱下結于頰其支者從腋後外廉結于肩髃其支者入
 腋下上出缺盆上結于完骨其支者出缺盆邪上出于頰
 其病小指支跟腫痛脰變脊反折項筋急有不舉腋支缺
 盆中紐痛不可左右搖治在燔針劫刺以知為數以痛為
 輸名曰仲春痺以知為數以痛為輸者言經筋病用燔針
 如取經脈法有幾呼吸幾度之定數也但隨筋之痛
 處為輸穴亦非如取經脈法有榮命盛合之定穴也

足少陽之筋起于小指次指上結外踝上循脛外廉結于
 膝外廉其支者別起外輔骨上走髀前者結于伏兔之上
 後者結于尻其直者上乘肘季脇上走腋前廉繫于膺乳
 結于缺盆直者上出腋貫缺盆出太陽之前循耳後上額
 角交巔上下走頰上結于頰支者結于目皆為外維其病
 小指次指支轉筋引膝外轉筋膝不可屈伸脰筋急前引

髀後引尻即上乘肘季脇痛上引缺盆膺乳頸維筋急從
 左之右右目不開上過右角並蹻脉而行左絡于右故傷
 左角右足不用命曰維筋相交治在燔針劫刺以知為數
 以痛為輸名曰孟春痺也

足陽明之筋起于中三指結于跗上邪外上加于輔骨上
 結于膝外廉直上結于髀樞上循脇屬脊其直者上循髀
 結于膝其支者結于外輔骨合少陽其直者上循伏兔上
 結于髀聚于陰器上腹而布至缺盆而結上頸上挾口合
 于頰下結于鼻上合于太陽太陽為目上綱陽明為目下
 綱其支者從頰結于耳前其病足中指支脛轉筋脚跳堅
 伏兔轉筋髀前腫痛疝腹筋急引缺盆及頰卒口僻急者
 目不合熱則筋縱日不開頰筋有寒則急引頰移口有熱
 則筋弛縱緩不勝收故僻治之以馬膏膏其急者以白酒

和桂以塗其緩者以桑鈎鈎之即以生桑灰置之坎中高
下以坐等以膏熨急頰且飲美酒噉炙肉不飲酒者自
強也為之三拊而已治在燔針劫刺以知為數以痛為輸
名曰季春痺治在燔針之上當有其病轉筋者五字如足
宜施于筋寒轉筋之病其筋熱緩緩者則不宜也○搏擊
也指也蓋治口喎僻之法以火烘馬之脂膏熨其半邊急
者以白酒調和杜末塗其半邊緩者又以桑鈎鈎其口吻
之坎縫處連頰至之以收其緩其桑鈎鈎別用線繫縛於
肩後使勿走作也復飲酒噉肉使筋脈柔和以助外之塗
熨不飲酒者則自強其筋骨使正以手相拍其熨處也張
子和云左寒右熱則左急而右緩右寒左熱則右急而左
緩故偏于左者左寒右熱偏于右者右寒左熱夫寒不可
輕用辛熱之劑蓋左中寒則逼熱于右右中寒則逼熱于
左陽氣不得
宜行故也

足太陰之筋起于大指之端內側上結于內踝其直者絡
于膝內輔骨上循陰股結于髀聚于陰器上腹結于臍循
腹裏結于肋散於胃中其內者着於脊其病足大指皮內

踝痛轉筋痛膝內輔骨痛陰股引髀而痛陰器紐痛下引
臍兩脇痛引膺中脊內痛治在燔針劫刺以知為數以痛
為輸名曰孟秋痺也

足少陰之筋起于小指之下並足太陰之筋邪走內踝之
下結于踵與太陽之筋合而上結于內輔之下並太陽之
筋而上循陰股結于陰器循脊內挾膂上至項結于枕骨
與足太陽之筋合其病足下轉筋及所過而結者皆痛及
轉筋病在此者主痲慙及瘰在外者不能俛在內者不能
仰故陽病者腰反折不能俛陰病者不能仰治在燔針劫
刺以知為數以痛為輸在內者熨引飲藥此筋折紐紐發
數甚者死不治名曰仲秋痺也

足厥陰之筋起于大指之上上結于內踝之前上循脛上
結內輔之下上循陰股結于陰器絡諸筋其病足大指支

內踝之前痛內輔痛陰股痛轉筋陰器不用傷於內則不起傷于寒則陰縮入傷于熱則縱挺不收治在行水清陰氣其病轉筋者治在燔針劫刺以知為數以痛為輸命曰季秋痺也

手太陽之筋起于小指之上結于腕上循臂內廉結于肘內銳骨之後彈之應小指之上入結于腋下其支者後走腋後廉上繞肩胛循脛出走太陽之前結于耳後完骨其支者入耳中直者出耳上下結于頷上屬目外眥其病小指支肘內銳骨後廉痛循臂陰入腋下腋下痛腋後廉痛繞肩胛引頸而痛應耳中鳴痛引頷目瞑良久乃得視頸筋急則為筋痿頸腫寒熱在頸者治在燔針劫刺以知為數以痛為輸其為腫者復而銳之本支者上曲牙循耳前屬目外眥上頷結于角其痛當所過者支轉筋治在燔針

劫刺以知為數以痛為輸名曰仲夏痺也

手少陽之筋起于小指次指之端結于腕上循臂結于肘上繞臑外廉上肩走頸合手太陽其支者當曲頰入耳其本其支者上曲牙循耳前屬目外眥上乘頷結于角其痛當所過者即支轉筋舌卷治在燔針劫刺以知為數以痛為輸名曰季夏痺也

手陽明之筋起于大指次指之端結于腕上循臂上結于肘外上臑結于髑其支者繞肩胛挾脊直者從肩髑上頷其支首上頰結于頰直者上出手太陽之前上左角絡頰下右頷其病當所過者支痛轉筋肩不舉頷不可左右視治在燔針劫刺以知為數以痛為輸名曰孟夏痺也

手太陰之筋起于大指之上循指上行結于魚後行寸口外側上循臂結肘中上臑內廉入腋下出缺盆結肩前髑

上結缺盆下結胃裏散貫貫合貫下抵季脇其病當所過者支轉筋痛甚成息貫脇急吐血治在燔針劫刺以知為數以痛為輸名曰仲冬痺也

手心主之筋起于中指與太陰之筋並行結于肘內廉上臂陰結腋散前後挾脇其支者入腋散胃中結于臂其病當所過者支轉筋前及胸痛息貫治在燔針劫刺以知為數以痛為輸名曰孟冬痺也

手少陰之筋起于小指之內測結于銑骨上結肘內廉上入腋交太陰挾乳裏結于胸中循臂下繫于臑臂當其病

內急心承伏梁下為肘網其病當所過者支轉筋筋痛治在燔針劫刺以知為數以痛為輸其成伏梁唾血膿者死

不治名曰季冬痺也名曰季冬痺也六字元誤在此後無用燔針之下今移在此經筋之病寒則反折筋急熱則筋弛縱不收陰痿不用陽

急則反折陰急則俛不伸燔刺者刺寒急也熱則筋縱不收無用燔針艾灸亦然今世不分寒急熱

足之陽明手之太陽筋急則口目為噤皆急不能卒視治皆如右方也俱見靈樞經筋篇

形樂志苦病生于筋治之以熨引全文見諸筋病皆屬于節經云諸筋者皆屬于節又云手屈而不

伸者病在筋是也 肝主諸筋經云肝主筋又云在臟為

肝在體為筋又云酸生肝肝生筋筋生心是也 筋病忌

風忌食酸辛忌久行經云風傷筋燥勝風酸傷筋辛勝酸又云酸走筋筋病無多食酸又云多食辛則筋急而爪枯又云久行傷筋是也

轉筋

丹轉筋皆屬血熱四物加黃芩紅花蒼朮南星有筋轉于

血熱

足大指轉上至大腿近腰結了乃因奉養厚飲酒感寒而
作加酒芩紅花蒼朮南星薑煎服

雜方

聖治肝虛轉筋用赤蓼荳葉切作三合水一盞酒三合煎
至四合去渣溫分二服

孫尚藥治脚轉筋疼痛急松節二兩細剉如米粒乳香
一錢石件藥用銀石器內慢火炒令焦只留一分性出火

毒研細每服一錢至二錢熱木瓜酒調下同是筋病皆治
之

外

治轉筋取故綿以醅醋浸甑中蒸及熱用綿裹病人脚
令更易勿停瘥止

仲轉筋之為病其臂脚直脉上下行微弦轉筋入腹者鷄
屎白散主之用鷄屎白一味為散取方寸七以水六合和
溫服

丹轉筋徧身入肚不忍者作極鹹塩湯于槽中暖浸

靈

轉筋于陽治其陽轉筋于陰治其陰皆燂刺之四時氣

針灸

則經所謂以痛為輸之法蓋用火燒燂針切刺轉筋之時
當察轉筋之痛在何處在陽刺陽在陰刺陰隨其所痛之
處刺之故曰以痛為輸也若以針未知則再
刺之以知竟應効為度故曰以知為數是也

竇轉筋而疼灸承山而可治

足太陽之下血氣皆少則善轉筋踵下痛全文見

霍亂轉筋

皆作虛

海吐瀉轉筋身熱脉長陽明本病也宜和中四君子湯平

胃散建中湯方見治虛每服一兩水三盞姜五片煎至一

盞去渣溫服如吐瀉轉筋自汗脈浮者四君子加桂五

錢主之如吐瀉轉筋脇下痛脉弦者宜建中加木瓜柴

胡湯平胃散加木瓜五錢亦可也
桂枝二兩芍藥三兩甘草一兩膠飴半升

生薑一兩 大棗六枚 木瓜五錢 柴胡五錢

右劉如麻荳大每服一兩水三盞煮至一盞半去渣下

膠飴兩匙煎化服 如吐瀉後小便不通胃中實痛者

四君子湯加大黃一兩主之 如吐瀉轉筋腹中痛體

重脉沉而細者宜四君子湯加芍藥高良姜湯四君子

湯四味各一兩芍藥良姜各五錢同煎法 如吐瀉

霍亂四支拘急脉沉而遲者宜四君子湯加姜附厚朴

湯四君子四味各一兩生薑附子厚朴炮製各三錢 同煎

服

如吐瀉轉筋四支厥冷脉微緩者宜建中湯加附子當歸

湯

桂枝一兩 當歸二錢 芍藥二兩 甘草半兩

膠飴半斤 生薑一兩 附子三錢 大棗六枚

右同煎服

活香薷散治非時霍亂大渴煩燥汗出轉筋疼痛不可忍

方見傷寒吐利明

渴為熱

丹怡六官霍亂泄多吐少口渴脚轉筋

滑石三錢 白木二錢 蒼朮 厚朴

乾葛 陳皮各錢半 甘草些 木通一錢

姜五片

下保和丸四十粒

保霍亂轉筋香薷煮汁飲之無不瘥者

肘治霍亂心腹煩短氣未得吐下若轉筋燒梔子二十

枚研末熟水調下

不渴為寒

保霍亂轉筋吐瀉不止宜半夏湯

半夏麩 茯苓 白木各半兩 甘草炙

右為末渴者涼水下不渴溫水下無時如吐瀉不止身無汗者可與瀉痢門漿水散兼桂枝湯又可與白朮湯

直指木瓜湯治霍亂吐瀉轉筋擾悶

木瓜二兩

茴香二錢五分微炒

甘草灸二錢

吳茱萸洗焙七欠二兩

右咬咀每服四錢水一盞半生姜五片烏梅小許煎溫

服

活霍亂轉筋者用理中湯去朮加附子一枚生用理中湯方見傷寒

諸二下効者寒

本治霍亂吐瀉不止及轉筋諸藥不効者一粒青金丹

甄兼施

硫黃研一兩

水銀八錢

右二味銚子內炒柳木篋子不住手攪勻更以柳枝蘸

冷醋頻頻洒候如鉄色結如青金塊方成刮下再研

粉留小半為散餘以粽子尖三箇醋約半盞研稀調

所成膏和丸如鷄豈大硃砂為衣每服一九煎丁香湯

磨化下熱服如服散丁香湯調下一錢傷寒陰陽乘伏

用龍腦冷水磨下日二三服

雜方

梅治霍亂轉筋皂角末一小豈許入鼻中取嚏便差

古今錄治霍亂轉筋取蓼花一把去兩頭以水二升半煮

一升半頓服之

食治吐後轉筋煮木瓜汁飲之甚良

外治霍亂注痢不止轉筋入腹欲死生姜三兩搗碎以酒

一升煮三四沸頓服

世霍亂之証輕則上吐下瀉兩脚轉筋甚則遍躰轉筋腹

肚疼痛手足厥冷若欲絕者倉卒之際宜于脐中灼艾及

診
針灸

用蓼一把煎湯炮洗次投以姜附理中湯之類其脉洪大

者易治脉微腎縮舌卷者不治

世霍乱轉筋灸承山灸二十七壯神効

又法中風亦灸承山

東霍乱轉筋在兩臂及胸堂中者筋拘不及動搖

臍中

中府 巨闕 胃脘 尺澤 太陰灸七壯

甲霍乱轉筋 金門 僕參 承山 承筋主之

瓜

肝之合筋也其榮瓜也全文見五藏

肝熱者色蒼

